

千林一葉

十三  
後高  
北史上

和書門			
二六二五	一號	類	
六九	函		
几架			
二五	册		

和書門		
二六二五	一號	類
二五	册	
几架		

內閣文庫	
番號	和 20151
冊數	25 ( 13)
函號	185 1




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





千林一葉十三

弘文院學士纂

後周書下

淺草文庫

傳二十八

鄭偉

性吃

少時嘗逐鹿於野失

之遇牧豎而問焉牧豎荅之其言亦吃偉怒謂其効已遂射殺之其君暴如此○楊纂自以功高賞薄志懷怨憤每歎曰大丈夫富貴何似故鄉若以妻子撓懷豈不沮人雄志大統初乃問行歸歟太祖執纂手曰人所貴者忠義也所懼者危亡也其能不憚危亡蹈茲忠義者今方見之於卿身即授征南將軍大都督纂性質

樸又不識文字、前後莅職、但推誠信而已、吏以其忠、怒頓亦懷之。○**段永** 賊魁**元伯生**率數百騎、西自**崑崙**來至**鞏洛**、屠陷塢壁、所在為患。**魏孝武**遣**京畿**大都督**正妻**招討之、昭請以五千人行、**永進**曰、此賊既在城柵、唯以寇抄為資、安則蟻聚、窮則鳥散、取之在遠、不在眾也。若星馳電發、出其不虞、精騎五百自足平殄、若微兵而後往、彼必遠竄、雖有大眾、無所用之。帝然其計。○**王士良** ○**崔彥穆** ○**令狐整** **魏東陽王元榮**辟**整**為主簿、加**盪寇將軍**、**整**進趨詳雅、對

揚辭暢、謁見之際、州府傾目、**榮**器**整**德望、嘗謂僚屬曰、**令狐延保**西州令、**榮**方城重器、**宣州**郡之職、所可繫維、但一日千里、必基武步、寡人當委以庶務、書諾而已。 **整**身休 時諸功臣多為本州刺史、**晉公**護謂**整**曰、以公勲望、應得本州、但朝廷藉公委任、意容遠出、然公門之內、須有衣錦之榮、乃以休為煥、**煌**郡守。○**司馬裔** ○**裴果** 果從軍征討、乘**董**驄馬、衣青袍、每先登陷陣、時人號為**董驄**年少。 史臣曰、**齊**備**崔彥穆**等之在山東、竝以不羈之才、遭回於鸞雀、然

能翻然豹變、自致龜組、其知機之士歟。  
傳二十九 **寇雋** 兄祖劄祖禮及雋、玆有志  
行、聞行、雍睦、白首同居、父亡、雖久而猶於平生  
所處、堂宇、備設、惟帳几杖、以時筭列、拜、垂涕、陳  
薦、若宗廟焉、告出之事、必先啓告、遠行、往、返、亦  
如之、惡木之陰、不可暫息、盜泉之水、無容怪  
歛、得財、失行、吾所不取、世宗親執其手曰、公  
年德俱尊、朕所欽尚、乞言之事、所望於公、宜數  
相見、以慰虛想、以御輿、令於帝前、乘出、顧謂左  
右曰、如此之身、唯積善者、可以致之、何止是重

於今、亦將傳之萬古、時人咸以為榮、

**韓褒** ○ **趙肅** 元日當行朝禮、非有封爵者、不  
得預焉、肅時未有茅土、左僕射孫奭、孫儉、白、大祖  
請之、大祖乃召肅、謂曰、歲初行禮、豈得使卿不  
預、然何為不早言也、於是令肅自選封名、肅曰、  
河清乃太平之應、竊所願也、於是封清河縣子、  
○ **張軌** 初在洛陽家貧、與樂安孫樹仁為莫  
逆之友、每易衣而出、○ **李彥** 性謙恭、有禮節、  
雖居顯要、於親黨之間、恂恂如也、輕財重義、好  
施愛士、時論以此插之、然彥多疾、而勤於莅職、

雖沉頓枕席、猶理務不輟、遂至於卒。○郭彥○  
裴文舉、蜀土沃饒、商賈百倍、或有勸文舉以  
利者、文舉答之曰、利之為貴、莫若安身、身安則  
道隆、非貨之謂、是以不為非惡財也。○高續  
傳三十、蘇亮、魚從身、緝但知名、然緝文章  
少不逮亮、至於經畫進趣、亮又減之、故世稱二  
蘇焉、亮每歲不轉官、一年或至三遷、亮曰、才至  
不怪其速也、所著文筆數十篇、亮房湛、蕭  
寶璽西討、以湛為行臺郎中、深見委任、云云、  
柳蚪、貴遊子弟、就學者、並車服華盛、唯蚪不

事容飾、通授五經、略通大義、時人論文體者、  
有今古之異、蚪又以為時有今古、非文有今古、  
乃為文質論、蚪脫略人間、不事小節、弊衣跣  
食、未嘗改操、人或譏之、蚪曰、衣不過適體、食不  
過克飢、孜孜營求、徒勞思慮耳。○呂思禮、好  
學有文才、雖務兼軍國、而手不釋卷、晝理政事、  
夜則讀書、令蒼頭執燭、燭燼夜有數升、沙苑之  
捷、年為露布、食頃使成、太祖歎其工而且速、  
薛愷、帝潛度謂愷曰、君門地非下、身材不方、  
何不裝褊數、參建紆、愷曰、世胃躡高、俊、英、俊、沉

下僚古人以為歎息竊所未能也。潘渡告人曰：此年少極慷慨，但不遺時耳。不交人物，終日讀書，手自抄略，將二百卷。唯郡守元夔時相要，屈與之抗禮。宣光清徽殿初成，燈為之頌。魏文帝又造二款器，一為二仙人共持一鉢，同處一盤，鉢蓋有山，山有香氣。一仙人又持金瓶，以臨器上，以水灌山，則出於瓶而注于器，煙氣通發山中，謂之仙人款器。一為二荷，同處一盤，相去盈尺，中有蓮下垂器上，以水注荷，則出於蓮而盈于器，為鳧雁蟾蜍以飾之，謂之水芝款器。

二盤各處一鉢，鉢圓而鉢方，中有人言三才之象也，皆置清徽殿前，器形似觥而方，滿則平，溢則傾，燈各為作頌。口薛寔：盧柔學業優深，文章華贍，而盧與之方焉，故世號曰盧薛焉。所著文筆二十餘卷，行於世，又撰西京記三卷，引據該洽，世稱其博聞焉。盧性至孝，雖年逮已衰，職務繁廣，至於溫清之禮，朝夕無違。○李昶常曰：文章之事，不足流於後世，經邦致治，庶及古人，故所作文筆，了無藁草，唯留心政事而已。○元備：為有人所執，六年存平，備方見釋，云云。

性溫柔好虛靜居家不治生業篤學慶文政事  
之暇未嘗棄書謹慎小心與物無忤時人以此  
稱之初自鄴遷也度倍贈其詩曰魏亡垂棘反  
存平寶鼎歸其為辭人所重如此云云太祖天  
縱寬仁性罕猜忌元氏戚屬並保全之內外任  
使布於列職云云天啟魏德鼎命已遷枝葉榮  
茂足以逾於前代矣

傳三十一 韋瑱 明察有幹局再居左轄時  
論策之○梁昕○皇甫璠 性平和小心奉法  
安分守志恒以清白自處當時號為善人

辛慶之 少以文學徵請洛陽對策第一○慶  
之族子弟 行成都令昂到縣使無諸生察文  
翁學堂因共歡宴謂諸生曰子孝臣忠師嚴友  
信立身之要如斯而已○王子直○杜杲 學  
涉經史有當世幹略其族又鑽清貞有識鑿深  
器重之常曰吾家千里駒也

傳三十二 尉遲迥 高祖幸雲陽宮令迥與  
長孫覽輔皇太子居守俄而衛刺王直作亂率  
其黨襲肅章門覽懼走行在所迥時偶在門中  
直兵奄至不暇命左右乃手自闔門直黨與迥

爭門斫傷運手指僅而得閉直既不得入乃縱  
火燒門運懼火盡直堂得進乃取宮中材木及  
牀等以益火更以膏油灌之火勢轉熾久之直  
不得進乃退運率留守兵因其退以擊之直大  
敗而走是日微運宮中已不守矣

王軌小名沙門漢司徒允之後世為州郡冠族  
韋葉仕魏賜姓烏丸氏。晉公護專政高祖密  
欲圖之以軌沉毅有識度堪屬以大事遂問以  
可否軌贊成之。陳將吳明徹入寇呂梁徐州  
總管梁士彥頻與戰不利乃退保州城不敢復

出明徹遂堰清水以灌之列船艦於城下以圖  
攻取詔以軌為行軍總管率諸軍赴救軌潛於  
清水入淮口多鑿大木以鐵鑿貫車輪橫截水  
流以斷其船路方欲密決其堰以斃之明徹知  
之懼乃破堰遽退冀乘決水之勢以得入淮地  
至清口川流已闊水勢亦衰船艦並礙於車輪  
不得得過軌因率兵圍而蹙之唯有騎將蕭摩  
訶以二千騎先走得免明徹及將士三萬餘人  
并器械輜重並就俘獲陳之銳卒於是殲焉  
宣帝之征吐谷渾也高祖令軌與宇文泰伯並



從軍中進取皆委軌等帝仰成而已時宮尹鄭  
譯王端等並得幸帝帝在軍中頗有失德譯等  
皆頹焉軍還軌等言之於高祖高祖大怒乃撻  
帝除譯等若仍加撻楚帝因此大銜之軌因  
內宴上壽又將高祖鬚曰可啗好老公但恨後  
嗣弱耳高祖深以為然但漢王次長又不才此  
外諸子並幼故不能用其說宣帝即位追鄭  
譯等復為近侍軌自知及於禍大象元年帝  
令內史杜慶信就徐州殺軌御正中大夫顏之  
儀切諫帝不納遂誅之軌立朝忠恕兼有大功

忽以無罪被戮天下知與不知無不傷情  
宇文神舉 父顯和 膂力絕人寧弓數百斤  
能左右馳射魏肅武之在藩也顯和早蒙眷遇  
時屬多難 帝以顯和母老家累又多令預為  
計對曰今日之事忠孝不可並立然臣不密則  
失身安敢預為私計帝愴然改容曰卿即我之  
王陵也 神舉早歲而孤 高祖將誅晉公護  
也神舉得預其謀 神舉見待於高祖遂處心  
腹之任 王軌宇文孝伯等屢言望太子之短神  
舉亦頗與焉及帝即位荒淫無度神舉懼及於

福懷不自安帝亦忌其名望兼以宿憾遂使人  
齎燭酒賜之。家文孝伯字胡王吏部安化公  
深之子也其生與高祖同月太祖甚愛之養於  
第內及長又與高祖同學及遭父憂詔令於  
牀中襲爵高祖嘗從容謂之曰公之於我猶漢  
高之與盧綰也乃賜以十三環金帶自是恒侍  
左右出入臥內朝之機務皆得預旨。高祖北  
討至雲陽宮遂寢疾驛召孝伯赴行在所帝執  
其手曰吾自量必無濟理以後事付君。及隋  
文帝踐極以孝伯及王軌忠獲罪茲令收葬復

其官爵又嘗謂高頴曰宇文孝伯寔有周之良  
臣若使此人在朝我輩無措手處也。

顏之儀。高祖初建儲宮盛選師傅以之儀為  
侍讀太子後征吐谷譚在軍有過行鄭譯等並  
以不能匡弼坐譴唯之儀以累諫獲賞。帝後  
刑政乖僻昏縱日甚之儀犯顏驟諫雖不見納  
終亦不止深為帝所忌然以恩舊每優容之。  
宣帝崩劉昉鄭譯等矯遺詔以隋文帝為丞相  
輔少主之儀知非帝旨推而弗從昉等草詔署  
記逼之儀連署之儀厲聲謂昉等曰主上升遊

嗣子冲幼阿衡之任宜在宗英方於賢戚之內  
趙王最長以親以德合膺重寄公等備受朝恩  
當思盡忠報國奈何一旦欲以神器假人之儀  
有死而已不能誣罔先帝於是昉等知不可屈  
乃代之儀者而行之隋文帝後索符璽之儀又  
正色曰此天子之物自有主者宰相何故索之  
云云之儀隨例入朝隋文帝望而識之命引至  
御坐謂之曰見危授命臨大節而不可奪古人  
所難何以加卿 樂運 高祖謂運曰卿來日  
見太子不運曰臣來日奉辭高祖曰卿言太子

何如人運曰中人也時齊王憲以下並在帝側  
高祖顧謂憲等曰百官佞我皆云太子聰明睿  
知唯運獨云中入方驗運之忠直耳於是因問  
運中人之狀運對曰班固以齊桓為中人管仲  
相之則霸豎貂輔之則亂謂可與為善亦可與  
為惡也高祖曰我知之矣 謹尋經典未有罪  
無輕重溥天大赦之文逮茲末葉不師古始無  
益於治未可則之故管仲曰有赦者奔馬之毒  
縛不赦者痤疽之礪石又曰惠者民之仇讎法  
者民之父母漢遺言猶云唯願無赦王符著

論亦云。教者非明世之所宜，豈可敷施非常之  
惠，以肆其兇之惡乎？帝亦不納，而昏暴滋甚。運  
乃與櫬詣朝堂，陳帝八失云云。運常願康一諫，  
官從容諷議，而性訐直，為人所排抵，遂不被任。  
用乃發憤錄貞殷以來諫諍事，集而詔之，凡六  
百三十九條，合四十一卷，名曰諫苑，奏上之。隋  
文帝覽而嘉焉。

傳三十三

王褒字子淵

識量淵通，志懷沈

靜，長風儀，善談笑。博覽史傳，尤工屬文。梁國子  
祭酒蕭子雲，褒之姑夫也。特善草隸，褒少以姻

戚去來其家，遂相模範。俄而名臣子雲，竝見重  
於世。梁武帝喜其才藝，遂以弟鄱陽王恢之女  
妻之。褒與王克、劉歊、宗懔、殷不害等數十人  
俱至長安。太祖喜曰：昔平吳之利，二陸而已。今  
定楚之功，羣賢畢至，可謂過之矣。高祖作象  
經，令褒注之，引據該洽，甚見稱賞。

庾信字子山

博覽羣書，尤善春秋左氏傳，身

長八尺，博帶十圍，容止頽然，有過人者。父肩  
吾為梁太子中庶子，掌管記。東海徐摛為左衛  
率，摛子陵及信並為抄撰，學士父子在東宮，出

入禁闥思孔莫與比隆既有盛才文並綺豔故  
世號為律度休焉當時後進競相模範每有一  
文京都莫不傳誦來聘于我屬大軍南討遂  
留長安陳氏與朝廷通好南北流寓之士各  
許還其舊國陳氏乃請王褒及偉等十數人高  
祖唯放手克殷不害等信及褒竝留而不遣尋  
徵為司宗中大夫信雖位望通顯常有鄉關  
之思乃作哀江南賦以致其意云云日暮途  
遠人間何世將軍一去大樹飄零壯士不還寒  
風蕭瑟

傳三十四

蕭摛字智選

出為上州刺史為

政仁恕以禮讓為本嘗至元日獄中所有囚繫  
悉放歸家聽三日然後赴獄主者固執不可摛  
曰昔平長虞延見稱前史吾雖寡德竊懷景行  
導民以信方自此始以之獲罪彌所甘心幸勿  
慮也諸囚荷恩竝依限而至吏民稱其德化  
摛善草隸名亞於王褒等數醫方咸亦留意所  
著詩賦雜文數萬言頗行于世○蕭世怡  
蕭圓肅有文集十卷淮海又撰時人詩筆為  
文海四十卷廣堪十卷淮海亂離志四卷行於世

○蕭大圜字仁顯梁簡文帝之子也。幼而聰敏，神情俊悟。年四歲能誦三都賦，及孝經、論語。元帝嘗自問五經要事數十條，大圜辭約指明，應答無滯。元帝甚歎美之，因曰：昔河間好學，爾既有之，臨淄好文，爾亦兼之。然有東馬爲善，彌高前載，吾重之，愛之，爾當效焉。元帝降魏，恭帝二年，客長安，太祖以客禮待之。開麟趾殿，招集學士，大圜預焉。梁武帝集四十卷，簡文集九十卷，各止一本。江陵平後，竝藏祕閣。大圜旣入麟趾，方得見之，乃手寫二集。一年竝畢，識者

編歎之。嘗言之曰：拂衣褰裳，無吞舟之漏，經挂冠懸節，慮我志之未從，僅獲展禽之免，有羨慈明之進，如蒙北叟之放，實勝濟南之徵，其故何哉！夫閭閻者有優遊之美，朝廷者有簪佩之累，蓋由來久矣。云云。北山之北，棄絕人間，南山之南，超踰世網，面修原而帶派水，倚郭曲而枕平臯，築蝸舍於叢林，構環堵於幽薄，近瞻煙霧，遠睇風雲，藉纖草以蔭長松，結幽蘭而援芳桂，仰翔禽於百仞，俯泳鱗於千尋，果園在後，開窓以臨花卉，蔬圃居前，坐簷而看灌圃，二頃以供

饘粥十畝以給絲麻侍兒五三可充絳織家僮  
數四足代耕耘沽酪牧羊恊潘生之志畜鷄種  
黍應莊叟之言獲菽尋汜氏之書露葵徵尹君  
之錄烹羔豚而介春酒迎伏臘而候歲時披良  
書探至頤歌纂纂唱烏烏可以娛神可以散慮  
有朋自遠揚權古今田畷相遇劇談稼穡斯亦  
足矣樂不可支永保性命何畏憂責豈若蹙足  
入絆申脰就羈遊帝王之門趨宰衡之勢不知  
飄塵之少選寧覺年祀之斯須萬物營營靡存  
其意天道昧昧安可問哉嗟呼人生若浮雲朝

露寧俟長繩繫量寔不願之執燭夜遊驚其迅  
邁百年何幾擊蹠曲拳四時如流俛眉躡足出  
處無成詔黜奚當非直午明所恥抑亦宜尼恥  
之。大軍東討攻拔晉州或問木園曰齊遂克  
不對曰高歡昔以晉州肇基偽迹今本旣拔矣  
能無亡乎所謂以此始者必以此終也唐數日  
齊氏果滅聞者以為知言。○宋慄少聰令好讀  
書晝夜不倦語輒引古事鄉里呼為小兒學士  
云遭母憂去職哭輒歐血兩旬之內絕而復蘇  
者三每有羣鳥數千集于廬舍候哭而去時論

稱之。以為孝感所致。○劉璠母在建康。遘疾。璠  
市之。知嘗忽。一日舉身楚痛。尋而家信至云。其  
母病。璠即號泣。戒道絕。而又蘓。當身痛之辰。即  
母死之日也。云云○鄧禹文學尚武。或執戈。葛洪書  
生且云。破賊。及武陵王紀。稱劔於蜀。璠為  
中書侍郎。屢遣召璠。使者八返。乃至蜀。又以為  
黃門侍郎。令長史劉孝勝深布心腹。使工畫陳  
事。度河歸漢。圖以遺之。達奚武軍已至南鄭。  
璠不得入城。遂降於武。太祖素聞其名。先誡武  
曰。勿使劉璠死也。故武先令璠赴闕。璠至。太祖

見之如舊。謂僕射申徽曰。劉璠佳士。古人何以  
過之。徽曰。昔晉主滅吳。利在二陸。明公今平梁  
漢。得一劉璠也。嘗卧疾居家。對雪興感。乃作  
雪賦。以遂志云。其詞曰。天地否閉。凝而成雪。應  
乎玄冬之辰。在於沍寒之節。蒼雲暮同。嚴風曉  
別。散亂徘徊。雰霏皎潔。違朝陽之暄煦。就陵陰  
之慘烈。若乃雪山峙於河沙之右。雪宮建於碣  
石之東。云云著梁典三十卷。有集二十卷。行  
於世。子祥字休徵。璠所撰梁典始就。未及  
刊定卒。臨終謂休徵曰。能成我志。其此書乎。休



徵始定繕躬，勸成一家，行於世。○柳霞導民務先以德再三，不用命者乃微加貶異，示之恥而已。其下感而化之，不復為過。咸曰：我君仁惠如此，其可欺乎！其母嘗乳間發疽，醫曰：此病無可救之理。唯得人吮膿，或望微止其痛。霞應聲即吮，旬日遂瘳。咸以為孝感所致。性又溫裕，略無喜愠之容。弘獎名教，未嘗論人之短。尤好施與，家無餘財。臨終遺誠薄葬。子靖，隋文帝踐極，特詔徵之。靖遂以疾固辭，優遊不仕。閑門自守，所對唯琴書而已。足不歷園庭，殆將十

載。子弟等奉之若嚴君焉。其有過者，靖必下唯自責。於是長幼相率拜謝於庭。靖然後見之。傳三十五。李延孫，每以尅清伊洛為己任。頻以少擊衆，威振敵境。○韋祐，古人稱不入獸穴，不得獸子。安危之事，未可預量。縱為國殞身，亦非所恨。頻與敵人交兵，每身先士卒，單馬陷陣。是以戰必被傷，嘗至關南與東魏人戰，流矢中頸，從口中出。當時氣絕，輿至營，久之乃蘇。○韓雄，東魏東雍州刺史郭叔略與雄接境，頗為邊患。雄密圖之，乃輕將十騎，夜入其

境伏於道側遣都督韓仕於略城東服東魏人衣服詐若自河陽叛投關西者略出馳之雄自後射之再發咸中遂斬略首雄久在邊具知敵人虛實每率衆深入不避艱難前後經四十五戰雖時有勝負而雄志氣益壯東魏人得憚之○陳忻與韓雄里閨姻婭少相親昵俱摠兵境上三十餘載每有禦扞二人相赴常若影響故得數對勅敵而常保功名雖竝有武力至於挽彊射中忻不如雄散財施惠得士衆心則雄不如忻身死之日將吏荷恩德莫不感慟

焉○魏玄

邛山之役大軍不利宜陽洛州皆

為東魏守嶠東立義者咸懷異望而玄母及弟竝在宜陽玄以為忠孝不兩立乃率義徒還關南鎮撫太祖手書勞之

傳三十六

泉金

九歲喪父哀毀類於成人

服闋襲爵年十二鄉人皇平陳舍等三百餘人請別請金為縣令金雖童幼而好學恬靜百姓安之尋以母憂去職縣中父老復表請殷勤詔許之起復本任高敖曹率衆圍逼州城杜密為其鄉導金拒守旬餘矢盡援絕城乃陷高金

謂教曹曰泉企力屈志不服也及實恭被擒教  
曹退走遂執企而東以密為刺史企臨發密誠  
子元禮仲遵曰吾生平志願不遇令長耳幸逢  
聖運位亞台司今爵祿既隆年齒又暮前途夷  
險抑不可知汝等志業方彊堪立功效且思孝  
之道不可兩全宜各為身計勿相隨寇手但得  
汝等致力本朝吾無餘恨不得以我在東遂虧  
臣節也爾其勉之乃揮涕而訣餘無所言元  
禮少有志氣好弓馬頗閑草隸有士君子之風  
三子從太祖戰於沙苑為流矢所中遂卒

仲遵以勇決聞高教曹攻洛外企令仲遵率五  
百人出戰時以衆寡不敵乃退入城後與企力  
戰拒守矢盡以杖棒扞之遂為流矢中目不堪  
復戰及城陷士卒歎曰若二帥不傷豈至於此  
三子○李遷哲 太祖遣達奚武王雄等略地  
山南遷撫率其所部拒戰軍敗遂降於武王猶  
意氣自若武乃執送京師太祖謂之曰何不早  
歸國家乃勞師旅今為俘虜不亦愧乎答曰世  
荷梁恩未有報効又不能死節實以此為愧耳  
太祖深嘉之 軍次席城城主遣使請降遷哲

謂其衆曰、納降如受敵、吾觀其使、視瞻猶高、得  
無詐也、遂不許之、果於道左設伏以邀遷  
哲、遷哲進擊破之、遂屠其城、虜獲千餘口、自此  
巴濮之民降款相繼、軍還、太祖嘉之、太祖令  
遷哲留鎮白帝、更配兵千人、馬三百匹、信州先  
無倉儲、軍糧匱乏、遷哲乃收葛根造粉、兼米以  
給之、遷哲亦自取供食、時有異膳、即分賜兵士、  
有疾患者、又親加醫藥、以此軍中感之、人思效  
命、黔陽蠻田烏度、田都唐等、每抄掠江中、為百  
姓患、遷哲隨檄出討、殺獲甚多、由是諸蠻畏威

各送糧餉、又遣子弟入質者千有餘家、遷哲  
累世雄豪、為鄉里所率服、性復華侈、能厚自奉、  
養妾媵至有百數、男女六十九人、緣漢千餘里、  
間第宅相次、姬人之有子者、分處其中、各有僮  
僕、侍婢、奄閹守之、遷哲每鳴笳導從、往來其間、  
縱酒飲醢、盡生平之樂、子孫參見、或忘其年名、  
者披簿以審之、楊乾運○扶猛 從閑存賀  
若敦南討信州、敦令猛別道直趨白帝、所由之  
路人跡不通、猛乃梯山扞葛、備歷艱阻、雪深七  
尺、糧運不繼、猛獎勵士卒、兼夜而行、遂至白帝

城刺史向鎮侯列陣拒猛德與戰破之乘勝而  
進遂入白帝城○陽雄○任果○史臣曰古人  
稱仁義豈有常蹈之則為君子背之則為小人  
信矣泉企長自山谷素無月旦之譽而臨難慷  
慨有人臣之節豈非蹈仁義歟

傳三十七

儒林

帝莫高於堯舜王莫顯於

文武是以聖人祖述其道垂文於古字憲章其  
教作範於百王自茲以降三微驟遷五紀遞襲  
損益異術治亂殊塗秦承累世之基任刑法而  
殄滅漢無尺土之業宗經術而長久彫蟲是責

魏道所以陵夷玄風既興晉網於焉大壞考九  
流之激暴校四代之興衰正君臣明貴賤美教  
化移風俗莫高於儒故皇王以之教刑措而及  
淳朴賢達以之鏤金石而彫竹素儒之時義大  
美哉○盧誕○盧光 博覽羣書精於三禮善  
陰陽解鐘律又好玄言 及為京兆而郡舍先  
是數有妖怪前後郡將無敢居者光曰吉凶由  
人故不妄作遂入居之未幾光所乘馬忽升廳  
事登牀南首而立又食器無故自破光並不以  
介懷○沈重 專心儒學從師不遠千里遂博

覽羣書。重學業該博為當世儒宗。至於陰陽  
圖緯道經釋典靡不畢綜。又多所撰述。咸得其  
指要。其行於世者周禮義三十一卷。儀禮義三  
十五卷。禮記義三十卷。毛詩義二十八卷。喪服  
經義五卷。周禮音一卷。儀禮音一卷。禮記音二  
卷。毛詩音二卷。○樊深 避難陞崖傷足絕食  
再宿於後。遇得一箪餅。歠食之。必念繼母年老  
患癯。或免虜掠。乃弗食。夜中匍匐尋母。偶得相  
見。因以髓母還。復遁去。改易姓名。遊學於汾晉  
之間。習天文及算曆之術。○鮑安生 博通五

經。然專以三禮教授弟子。自遠方至者千餘人。  
乃討論圖緯。摛異聞。先儒所未悟者。皆發明  
之。高祖入朝。安生遠令掃門。家人怪而問之。  
安生曰。周帝重道尊儒。必將見我矣。俄而高祖  
幸其第。詔不聽拜。親執其手。引坐。謂之曰。  
朕未能去無以。此為愧。安生曰。黃帝尚有阪泉  
之戰。况陛下藝行天罰乎。高祖曰。朕何如哉。  
主安生曰。武王伐紂。縣首白旗。陛下平齊。兵不  
血刃。愚謂略為優。高祖大悅。安生既學為  
儒。宗當時受其業。擅名於後者。有馬榮。伯張。黑

奴實士榮孔叢劉焯劉炫等皆其門人焉所撰  
周禮義疏二十卷禮記義疏四十卷孝經義疏  
一卷並行於世○樂遊 太祖召遜教授諸子  
在館六年與諸儒分授經業遜講孝經論語毛  
詩及服虔所注春秋左氏傳 傳稱宮室崇侈  
民力彫弊漢景有云黃金珠玉饑不寸食寒不  
寸衣彫文刻鏤傷農事者也綿繡纂組害女功  
者也以二者為感寒之本源矣 遜性柔謹寡  
於交遊立身以忠信為本不自矜尚每在眾中  
言論未嘗為人之先學者以此稱之所著孝經

論語毛詩左氏春秋序論十餘篇又著春秋序  
義通貫服說發杜氏遺辭理並可觀  
史臣曰拾青紫如地芥 夫金之質也至剛鑄  
之可以成器水之性也柔弱壅之可以壞山  
之每開故夫稱沈重所學非止六經而已至於  
天官律曆陰陽緯候流略所載釋老之典靡不  
博綜窮其幽曠故能馳聲海內為一代儒宗雖  
前世徐廣何承天之儔不足過也  
傳三十八 孝義 夫塞天地而橫四海者其  
唯孝乎奉大功而立顯名者其唯義矣

李崇從尉還回戎蜀蜀人未即降崇乃應募  
先使諭之既入成都蕭楷問迴軍中委曲崇不  
對楷乃苦言辱之冀獲其實崇曰爾亡國餘燼  
不誠安先奉命諭爾反見贖愆我王者忠臣有  
死而已義不為爾移志也楷不能得其要指遂  
害之○柳槍葉衆寶謀反圍槍郡城早下士  
衆寡弱又無守禦之備連戰積十餘日士卒僅  
有存者於是力屈城陷身被十數瘡遂為賊所  
獲既而衆寶等進圍東梁州乃縛槍置城下欲  
令槍誘說城中槍乃大呼曰群賊烏合糧食已

罄行即退敢各宜勉之衆寶大怒乃臨槍以兵  
曰速更汝辭不爾便就戮矣槍守節不變遂害  
之棄屍水中城中人皆為之流涕○杜叔毗善  
左氏春秋曹策害叔毗兄君錫叔毗內懷  
憤惋志在復讎恐違朝憲坐及其母遂沉吟  
積時母知其意謂叔毗曰汝兄橫罹福酷痛切  
骨髓若曹策朝死吾以夕歿亦所甘心汝何疑  
焉叔毗拜受母言愈更感勵後遂白日手及策  
於京城斬首剝腹解其股體然後面縛請就戮  
焉太祖嘉其志氣特命赦之○荆可葬世之



後遂廬於墓側晝夜悲哭負土成墳蓬髮不櫛  
沐菜食飲水而已然可哀舊墓坐城極大榛蕪  
至深去家十餘里而可宿其中與禽獸雜處哀  
感遠近邑里稱之○秦族父喪哀毀過禮每  
一痛哭酸感行路既以世在恒抑割哀情以慰  
其母意四時珍羞未嘗匱乏與弟榮先後相友  
爰閉門之中怡一也母而具世又沒哭泣無  
時唯飲水食菜而已終喪之後猶蔬食不入房  
室二十許年鄉里感歎異之○皇甫遐遺世  
喪乃廬於墓側負土為墳後於墓南作一禱室

陰雨則穿窟晴霽則營墓曉夕勤力未嘗暫停  
積以歲年墳高數丈周回五十餘步禱窟重臺  
兩廂總成十有二室中間行道可容百人遊食  
粥枕<sub>由</sub>櫛風沐雨形容枯槁家人不識當其營  
墓之初乃有鴟鳥各一徘徊悲鳴不離墓側若  
助<sub>遜</sub>者○張元南隣有二杏樹杏熟落多元  
園中諸小兒競取而食之元所得者送還其主  
村陌有狗子爲人所棄者元見即收而養之其  
叔父怒曰何用此爲將欲更棄之元對曰有生  
之類莫不重其性命若天生天殺自然之理今

爲人所棄而死。非其道也。若見而不收養。無仁  
心也。是以收而養之。叔父感其言。遂許焉。未幾  
乃有狗舐舐一死兒。置元前而去。○元年十六  
其祖喪明。三年元怕憂泣。晝夜讀佛經。禮拜以  
祈福祐。後讀藥師經。見盲者得視之言。遂請七  
僧。燃七燈。七日七夜。轉藥師經行道。每言天人  
師子元爲孫不孝。使祖喪明。今以燈光普施法  
界。願祖日見明。元求代闍此經七日。其夜夢  
見一老公。以金鐸治其祖目。謂元曰。勿憂悲也。  
三日之後。祖目必差。元於夢中喜躍。遂即驚

寤。乃遍告家人。右三日。祖果目明。○史臣曰。李  
肇柳檜。茲臨危不挽。視死如歸。其壯志真情。可  
與青松白玉比質也。然檜恩隆加等。掌禮闕節。  
終有周之政。於是乎偏矣。云云。荆可奉。後  
生自隴。訖曾無師資之訓。因心而成。孝友。兼理  
而蹈禮節。如使學世若茲。則義農何遠之有。  
傳三十九。藝術。算雋。善隸書。特工模寫。  
○侯莫陳悅。胆兵隴右。太祖志在平之。乃令雋  
爲魏帝勅書。與費也。頭令將兵助太祖討悅。  
雋依舊勅模寫。及代舍人主書等署。與真無異。

太祖大悅。貴也。顏已曾得魏帝勅書。乃見此勅。不以為疑。○時俗入書學者。亦行未脩之禮。謂之謝章。篇以書字所興。起自蒼頡。若同常俗。未為合禮。遂終太祖。款真蒼頡及先聖先師。蔣昇少好天文。玄象之學。太祖雅信待之。常侍左右。以備顧問。大統三年。東魏將竇泰入寇。濟自風陵。頓軍漳關。太祖出師馬牧澤。時西南有黃雲氣。抱日。從未至。因太祖謂昇曰。此何祥也。昇曰。西南未地。主土。土王四季。奉之分也。今大軍既出。喜氣下臨。必有大慶。於是進軍與竇

秦戰。擒之。○姚僧垣。父善提。梁高平令。嘗嬰疾。歷年乃留心醫藥。梁武帝性又好之。每召善提討論方術。言多會意。僧垣傳家業。領殿中醫師。梁元帝嘗有心腹疾。乃召詣醫議治。療之方。咸謂至尊至貴。不可輕脫。宜用牛藥。可漸宜通。僧垣曰。脈洪而實。此有宿食。非用大黃。必無差。理。梁元帝從之。進湯訖。果下宿食。因而疾愈。梁元帝大喜。時初鑄錢。一當十。乃賜十萬。實百萬也。隨于謹。至長安。高祖親戎東討。至河陰。遇疾。口不能言。朕垂覆目。不復瞻視。一

是經編又不得行僧垣以為諸臟俱病不可垂  
治軍中之事莫先於詔乃處方進藥帝遂得言  
次又治目目疾便愈未乃治足足疾亦瘳比至  
華州帝已痊後。高祖行幸雲陽遂寢疾乃召  
僧垣赴行在所內史柳昇私問曰至尊眩暈日  
久朕候何如對曰天子應天心或當非愚所及  
若凡庶如此高無一全尋而帝崩乃搜採奇  
異參校徵効者為集驗方十二卷又撰行記三  
卷行於世長子察在江南次子最隨僧垣  
入關最幼在江左迄于入關未習醫術天和

中禱王憲奏高祖遣最習之憲又謂最曰爾博  
學高才何如平襄侯信王度名重兩國吾視之  
蔑如接待資給非爾家比也爾宜深識此意勿  
不存心且天子有敕彌勉最於是始受家業  
十許年中略盡其妙每有人造請勅驗甚多  
黎景廕字季明以字行從祖虞大武時為尚  
書郎善古學嘗從吏部尚書清河崔玄伯受字  
義又從司徒崔浩學楷篆自是家傳其法季明  
亦傳習之願與許氏有異又好占玄象頗知術  
數而落倪不事生業有書千餘卷雖窮居獨處

不以飢寒易操。○趙文深少學楷隸，有鐘王之則，筆勢可觀。當時碑牘，唯文深及巢雋而已。○褚遂良尤善醫術。時有強練不知何許人，亦不知其名字。魏時有李順興者，詭默不恒，好言未然之事。當時辨為李練，世人以強顯練，故亦呼為練。烏容貌長壯，有異於人，精神傲悅，莫之能測。意欲有所論說，逢人輒言，若值其不欲言，縱若加所詰，亦不相酬答。初聞其言，略不可解。事過之後，往往有驗。云云。又有蜀郡衛元嵩者，亦好言將來之事。蓋江左寶誌之流。天和中

著詩預論周隋廢興，及皇家受命，益有徵驗。性尤不信，親教嘗上疏極論之。史失其事，故不為傳。

傳四十 蕭譽字理孫，蘭陵人也。梁武帝之孫，昭明太子統之第三子，幼而好學，善屬文，尤長研義，特為梁武帝所嘉賞。初昭明卒，梁武帝舍譽兄弟而立簡文，內常愧之。寵亞諸子，以會稽人物殷阜，一都之會，故有此授，以慰其心。譽既以其昆弟不得為嗣，常懷不平。譽既與江陵攝障，恐不能自固。大統十五年，乃遣使稱藩。

請為附庸太祖命誓為梁王誓乃於襄陽置百  
官承制封拜于謹伐江陵誓以兵會之及江  
陵平太祖立誓為梁主居江陵東城資以江陵  
一州之地其襄陽所統盡歸於我誓乃稱皇帝  
於其國年號大定追尊其父統為昭明皇帝廟  
號高宗子滂為皇太子其慶賞刑威官方制  
度皆同王者唯上疏則稱臣奉朝廷正朔至於  
爵命其下亦依梁氏之舊太祖乃置江陵防  
主統兵居於西城名曰助防外示助誓備禦內  
實兼防誓也殷德毅說誓曰臣聞人主之行

與匹夫不同匹夫者飾小行竟小廉以取名譽  
人主者定天下安社稷以成大功見邑居殘  
毀干戈日用取其威略不振常懷憂憤乃著懲  
時賦以見意云云誓在位八載年四十四保定  
二年二月薨其羣臣等葬之於平陵謚曰宣皇  
帝廟號中宗誓少有大志不拘小節雖多猜忌  
而知人善任使桎梏士有恩能得其死力性不  
飲酒安於儉素事其母以孝聞又不好声色尤  
惡見婦人雖相去數步逢聞其鼻絰御婦人之  
衣不復更着所著文集十五卷內典華嚴般

若法華金光明義疏四十六卷。並行於世。誓疆  
土既狹。居常怏怏。每誦老馬伏櫪。志在千里。烈  
士暮年。壯心不已。未嘗不盱衡扼腕。歎咤者久  
之。遂以憂憤。死。背而殂。○**蕭**字仁遠。誓之第三  
子也。機辯有文學。善於樞御。能得其下歡心。  
**高祖**復與之宴。齊氏故臣叱列長叉。亦預旨。**高**  
**祖**指謂蕭曰。是登陣罵朕者也。蕭曰。長叉未能  
輔。渠翻敢吠。堯**高祖**大笑。及酒酣。**高祖**又命**琵琶**  
自彈之。仍謂蕭曰。當為梁主。盡歡。蕭乃起請  
舞。**高祖**曰。梁主乃能為朕舞乎。蕭曰。陛下既親

撫。五絃。臣何敢不同百獸。**高祖**大悅。賜雜繒萬  
段。良馬數十匹。并賜**齊**後主收毒及常所乘五  
百里駿馬。以遺之。○**隋文帝**既踐極。恩禮彌厚。  
遣使賜金三百兩。銀一千兩。布帛萬段。馬五百  
匹。開皇二年。隋文帝備禮納**齊**女。為**晉王妃**。又  
欲以其子**瑒**尚**蘭陵公主**。由是罷**江陵**。總管。蕭  
專制其國。蕭在位二十三載。年四十四。五年  
五月薨。所著文集及孝經周易義記及大小  
乘幽微。並行於世。○**隋文帝**徵**瑒**叔父**岑**入朝。因  
位。年廣運。○**瑒**。○**隋文帝**徵**瑒**叔父**岑**入朝。因

留不遣復置江陵摠管以監之琮之二年隋文帝又徵琮入朝琮率其臣下二百餘人朝于長安隋文帝於是廢梁國自號初即位歲在乙亥至是歲在丁未凡三十有三歲

蔡大寶 弟大業 王操 魏益德 尹正

薛暉 許孝敬 甄玄成 劉盈 岑善方

傅准 宗如周 蕭欣 柳洋 徐岳

王旋 范迪 沈君游 袁敞

傳四十一 異域上 秦皇鞭笞天下黷武於遐方漢武士馬疆盛肆志於遠略匈奴既却其

國已虛大馬既來其民亦困是知雁海龍堆天所以絕夾婁也炎方朔漠地所以限內外也

高麗丁百濟○蠻者盤瓠之後族類蕃衍散處

江淮之間汝豫之郡憑險作梗世居寇亂逮魏

人失馭其暴滋甚有冉氏向氏田氏者遐落尤

盛○獠者蓋南蠻之別種自漢中達于邛笮川

洞之間在所皆有之俗多不辨姓氏又無名字

所生男女唯以長幼次第呼之 種類滋蔓保

據巖壑依林走險若履平地雖屢加兵弗可窮

討性又無知殆同禽獸諸夷之中最難以道義



拓懷者也。○宕昌羗者其先蓋三苗之胤。周時  
與庸蜀微盧等八國從武王滅高。漢有先零燒  
當等。世為邊患。其地東接中華。西通西域。南北  
數千里。姓別自為部落。各立酋帥。皆有地方。不  
相統攝。宕昌即其一也。父子伯叔兄弟死者  
即以其繼母世叔母及嫂姊妹等為妻。俗無文  
字。但候草木榮落以記歲時。有梁勒者。世為  
酋帥。得羗豪心。乃自稱王。其界自仇池以西  
東西千里。帶水以南。南北八百里。地多山阜。部  
衆二萬餘。落勒孫彌忽始通使於後魏。太武因

其所稱而後之。○宕昌羗 白蘭 獻犀甲鏡

鏡。○冬者。西夷之別種。三代之際。蓋自有君長  
而世一朝見。故詩稱自彼氐羗。莫敢不來王也。  
漢武帝滅之。以其地為武都郡。自岷滑抵於巴  
蜀。種類寔繁。漢末有氐帥楊駒。始據仇池。百頃  
最為疆族。其後漸盛。乃自稱王。○稽胡。一曰  
落稽。蓋匈奴別種。割元海五部之南裔也。或云  
山戎。亦狄之後。○庫莫奚。鮮卑之別種也。  
史臣曰。凡民有形。天地稟靈。陰陽愚智。本於自  
然。剛柔繫於水土。故雨露所會。風流所通。九川

唐紀五嶽作鎮。此之謂諸夏。生其地者。則仁義  
出焉。昧谷。峒夷。孤竹。北戶。限江。丹徼。紫塞。隔以  
滄海。交河。此之謂荒裔。

傳四十二 異域下 突厥者。蓋匈奴之別種。

姓阿史那氏。別居部落。後為隣國所破。盡滅其  
族。有一兒。年且十歲。兵人見其小。不忍殺之。乃  
刑其足。棄草澤中。有牝狼。以肉飼之。及長。與狼  
合。遂有孕焉。彼王聞此。兒尚在。重遣殺之。使者  
見狼在側。并欲殺狼。狼遂逃于高昌國之北山。  
山有洞穴。穴內有平壤。茂草周回。數百里。四面

俱山。狼匿其中。遂生十男。十男長大。外託妻。原  
其後各有一姓。阿史那。即一也。子孫蕃育。漸至  
數百家。經數世。相與出穴。居於茹茹。居金山之  
陽。為茹茹鐵工。金山形似堦。鑿其俗。謂堦鑿為  
突厥。遂因以為號。晉或云。突厥之先。出於索回。  
在匈奴之北。俟斤。號不汗。可汗。一名燕都。狀  
貌多奇異。面廣尺餘。其色甚赤。眼若瑠璃。性剛  
暴。務於征伐。可汗猶古之單于也。號其妻為  
可賀敦。亦猶古之闕氏也。吐谷渾。其俗負  
多富。少青。海周回十餘里。海內有小山。每冬水

合後以良牝馬置此山。至來冬收之，馬皆有孕。所生得駒，號為龍種，必多駿異。世傳青海駿者也。高昌文字亦同華夏，兼用胡書。有毛詩論語孝經，置學官。弟子不相教授，雖習讀之，而皆為胡語。氣候溫暖，穀麥再熟，宜蠶多土果。有草曰羊刺，其上生蜜鳥。焉耆國其王姓龍，即前涼張軌所封龍熙之胤。龜茲國其王姓由，即後涼呂光所立白震之後。于闐國。○燉達國 粟特國 安息國 波斯國 大月氏之別種，治蘇利城，古條支國也。王姓波斯氏。

○王即位以後，擇諸子內賢者，密書其名封之於庫。諸子及大臣皆莫之知也。王死，乃眾共發書視之，其封內有右者，即立以為王。餘子各出就邊任。俗事火祆神，婚合亦不擇尊卑。諸夷之中，最為醜穢矣。民女年十歲以上，有姿貌者，王收養之。有功勳人，即以布賜。死者多棄屍於山，一月治服。城外有人別居，唯知喪葬之事。號為石埤人。若人入城市，檢鈴自別，以六月為歲首。

北史上

南北史唐崇文館學士李延壽所撰

紀一 魏之先出自黃帝軒轅氏黃帝子曰昂

黃昂意之少子受封北國 黃帝以土德王北

俗謂土為托謂后者跋故以為氏其裔始均仕

堯時逐女魃於弱水北人賴其勲舜命為田祖

歷三代至秦漢樛鬻檢狝山戎匈奴之屬累代

作害中列而始均之裔不交南夏是以載籍無

聞積六七十代至成皇帝歸毛立統國三十六

大姓九十九威振北方

聖武皇帝諱神元皇帝諱力

沙漠汗諱文

章帝諱康

昭帝諱官

桓帝諱色 普根

惠帝諱傳

煬帝諱那 十三 十五

穆帝諱盧 六脩

思帝諱弗 平文帝諱律

列帝諱淵 十四 十六

成帝諱翼 寔諱獻明帝

寔君

太祖道武皇帝諱珪 始珽

登國 十年 皇始 二年 天興 六年 天賜 七年

太宗明元皇帝諱嗣道武長子

永興 五年 神瑞 二年 泰常 八年

紀二世祖太武皇帝諱肅明元帝長子

始光 四年 神麀 四年 延和 三年 大延 五年

太平真君 十一年 正平 二年

景穆皇帝諱晃太武皇帝之長子也 延和元年

正月立為皇太子。正平元年六月薨。時年二

十四

高宗文成皇帝諱濬景穆之長子也。弔世嫡

皇孫。宗愛弒逆。立南安王余。十月又賊余於

是長孫渴候與陸養奉迎世嫡皇孫

興安 二年 興光 一年 太安 五年 和平 六年

顯祖獻文皇帝諱弘文成皇帝之長子也

天安 一年 皇興 五年

皇太子升帝位。於是羣公奏上尊號太上皇帝

云云。徙御崇光宮。采椽不斷土階而已。

紀三 高祖孝文帝諱宏獻文帝之太子也

延興 五年 承明 一年 太和 三年

紀四 世宗宣武皇帝諱恪孝文帝第二子也

景明 四年 正始 四年 永平 四年

肅宗孝明帝諱詡宣武帝之第二子也

熙平 二年 神龜 二年 正光 五年 孝昌 三年

武泰 一年

紀五 敬宗孝莊帝諱子攸彭城王勰之第三

子也

永安 三年

節閔皇帝諱恭字脩業廣陵惠王羽之子也

普泰 二年

廢帝諱朗字仲哲章武王融第三子也

中興 二年

孝武帝諱脩字叔胤廣平武穆王懷之第三

子也

永熙 三年

文皇帝諱寶炬孝文帝之孫京兆王愉之子也

大統 十七年

廢帝諱欽文皇帝之長子也

恭皇帝諱廓文皇之第四子也

東魏孝靜帝諱善見清河文宣王暉之世子也

天平 四年 元象 一年 興和 四年 武定 八年

天保 三年

道武帝 太祖 明元帝 太宗

清河王紹

太武帝 世祖 景穆太子

南安王余

文成帝 高宗 獻文帝 顯祖

孝文帝

廣陵王羽

北海王詳 — 顥

彭城王勰

宣武帝 世宗

孝明帝 肅宗

清河王懌 — 亶

京兆王愉

廣平王懷

孝莊帝 敬宗

節閔帝

章武王大洛

彬 — 融

廢帝

西魏 十三 孝武帝

十三 文帝 — 十四 廢帝

十五 恭帝

東魏

靜帝



紀六 齊高祖神武皇帝姓高氏諱歡字賀正  
渾勃海裔人也

世宗文襄皇帝諱澄字子惠神武長子也

紀七 顯祖文宣皇帝諱洋字子進神武第二

子文襄之母弟也 既為王夢人以筆點已額

且日以詔館客平曇督曰吾其退乎曇督拜賀

曰王上加點為主當進也 帝步踰山嶺為士

卒先指麾奮擊大破契丹是行也帝露頭袒身

晝夜不息行千餘里唯食肉飲水氣色彌厲

廢帝設字正道小名道人文宣帝之長子也

孝昭皇帝演字延安神武皇帝第六子文宣皇  
帝之母弟也

文宣帝 天保十年 廢帝 乾明 孝昭 皇建

紀八 世祖武成皇帝諱湛神武皇帝第九子

孝昭帝之母弟也

大寧一年 河清三年

後主諱緯字仁綱武成皇帝之長子也

天統五年 武平六年 隆化一年

安德王 建宋 德昌一年

幼主名恒後主之長子 承光一年

紀九 周太祖文皇帝姓宇文氏諱泰字黑獺  
代郡武川人也

孝閔皇帝諱覺字陁羅尼文帝第三子也無年

世宗明皇帝諱毓小名統萬突文皇帝三長子  
也二年無年 武成二年

紀十 高祖武皇帝諱皝字福羅突文帝第四  
子也 保定五年六月庚申彗星出三台入文

昌祀上將經紫宮入苑漸長丈餘百餘日乃滅

○天和元年二月庚午日闕光遂微日中見鳥

○人勞不止則星動於天作事不時則石言於

國能斷大事故能得士卒死力以弱制強破

齊之後遂欲窮兵極武平突厥定江南一二年

間必使天下一統此其志也

宣皇帝諱贇字乾伯武帝長子也

大象二年

靜皇帝諱衍後改名闡宣帝之長子也

大定一年○論曰自東西否隔二國爭強戎

馬生郊干戈日用兵連禍結力敵勢均壇場之

事一彼一此識嗣子之非才顧宗祏之至重

滯愛同於晉武則哲異於宋宣但欲威之復楚

期於懲肅義方之教豈若是乎

紀十一 隋高祖文帝姓楊氏諱堅小名那

羅廷本弘農華陰人漢太尉震之十四世孫也

云云皇考忠 魏恭帝賜姓普六茹氏 梁人

東及於象鼻以戰皇考射之二象反走 周大

統七年六月癸丑夜生帝於馮翊波若寺有紫

氣充庭時有危來自河東謂皇妣曰此兒所從

來甚異不可於俗間處之乃將帝舍於別館躬

自撫養皇妣抱帝忽見額上出角徧体起鱗墜

帝于地危自外見問已驚我兒致今晚得天下

帝龍額上有土柱入頂目光外射有文在手

曰王字 開皇元年春二月甲子自相府常服

入宮備禮即皇帝位於臨光殿 仁壽三年詔

曰六月十三日是朕生日其日令海內為武元

皇帝元明皇后斷屠 帝性嚴重有威容外儼

木而內明敏有大略初得政之始群情不附諸

子幼弱內有六王之謀外致三方之亂握強兵

居重鎮者皆周之舊臣上推以赤心各盡其用

不踰期月討定三邊未及十年平一四海薄賦

歛輕刑罰內修制度外撫戎夷每旦聽朝日仄

忘倦居處服玩務存節儉令行禁止上下化之  
紀十二 煬皇帝諱廣一名英小字阿摩高祖  
第二子也 上尤自矯飾當時稱為仁孝嘗觀  
獵遇雨左右進油衣上曰士卒皆露濕我獨衣  
此衣乃令持去 十步之內必有芳草四海之  
中豈無孝秀 初上自以藩王次不當立每矯  
情飾行以釣虛名陰有奪宗之計時高祖雅重  
文獻皇帝而性忌喜憐皇太子勇內多嬖幸以  
此失愛帝後遂有子皆不育之示無私寵取媚  
於后大臣用事者傾心與交中使至第無貴賤

皆曲承顏色申以厚禮婢僕往來者無不稱其  
仁孝又常私入宮掖密謀於文獻后楊素等因  
機構扇遂成廢立自高祖大漸登諱陰之中葉  
淫無度山陵始就即幸巡游以天下承平日久  
士馬全盛慨然慕秦皇漢武之事乃整理宮室  
窮極侈靡云云每出師後敗亡相繼戰士盡力  
不加賞賜百姓無辜咸受屠戮並庶積怨天下  
土崩至於就命而猶未之寤也

恭皇帝諱侑元德太子之子也 大業三年立  
為隋王後數載徙為代王云云 義寧元年十

一月壬戌上即皇帝位於大興殿。義寧二年  
五月遜位於大憲。以為鄰國公。武德二年夏五  
月崩時年十五。史臣曰天子方棄中土遠之  
棚越毒完乘豐強弱相陵關梁閉而不通皇輿  
往而莫返加之以師旅因之以飢饉流離道路  
轉死溝壑十七八焉於是相聚蓬蒿蝟毛而起  
大則跨州連郡稱帝稱王小則千百為郡攻城  
剽邑流血成川澤死人如亂麻始者不及析骸  
食者不遑易子後之九土並為糜鹿之場慘  
黔黎俱充地取之餓云云土崩魚爛貫盈惡稔

普天之下莫匪仇讐左右之人皆為敵國於此  
不悟同彼望夷遂以萬乘之尊死於匹夫之手  
億兆靡咸息之士九牧無勤王之師子弟同就  
誅夷體骨棄而莫掩社稷顛隕本枝珍絕自肇  
有書契以迄于茲宇宙崩離生靈塗炭喪身滅  
國未有若斯之甚也云云一人失德四海土崩  
羣盜蜂起豺狼塞路南巢遂往流彘不歸  
世按隋初為北朝及滅陳則南北混一為天  
下之主然李延壽列於北史者蓋使唐為天  
下一統之初也

傳一 后妃上 太武文成保母劬勞之恩。茲  
極尊崇之義。雖事乖典禮。而觀過知仁。○魏神  
元皇后竇氏。沒廩曰部大人賓之女也。○文帝  
皇后封氏。生桓穆二帝。○桓皇后惟氏。生三子。  
長曰普根。次建。帝次煬。帝。○平文皇后王氏。廣  
甯人也。年十三。因事入宮。得幸於平文。生昭成  
帝。○昭成皇后慕容氏。慕容皝之女也。○獻明  
皇后賀氏。東部大人野干女也。少以容儀。選入  
東宮。生道武。○道武皇后慕容氏。竇之季女也。  
○道武宣穆皇后劉氏。劉眷女也。登國初。納為

夫人。生華陰公主。後生明元后。專理內事。寵待  
有加。以鑄金人不成。故不登后位。魏故事。後宮  
產子。將為儲貳。其母皆賜死。○明元昭哀皇后  
姚氏。姚興女。西平長公主也。○明元密皇后杜  
氏。魏郡鄆人。陽平王超之妹也。初以良家女。選  
入太子宮。有寵。生太武。太武保母竇氏。○太  
武皇后赫連氏。屈丐女也。○太武昭哀皇后賀  
氏。代人也。初為夫人。生景穆。○景穆恭皇后郁  
久間氏。河東王暉妹也。少以才選入東宮。有寵。  
生文成皇帝。○文成文明皇后馮氏。長樂信都

人也。獻文即位尊為皇太后。丞相乙渾謀逆，獻文年十二，居于諒闇。太后密定大策，誅渾，遂臨朝聽政。及孝文生，太后躬親撫養。是後罷令不聽政事。太后行不正，內寵李奕。獻文因事誅之。太后不得意，遂害帝。永明元年，尊曰大皇太后。復臨朝聽政。太后性聰達，自入宮掖，粗學書計，及登尊極，省決萬機。以帝富於春秋，乃作勸戒歌三百餘章，又作皇詩十八篇。立文宣王廟於長安。王獻出入臥內，數年，便為宰相。崩於太和殿，年四十九。帝毀瘠，絕酒肉，不御

者三年。○文武元皇后李氏及生獻文拜貴人。○獻文思皇后李氏生孝文帝。○孝文負皇后馮氏得幸於孝文，生皇子恂。○孝文廢皇后馮氏，太師熙之女也。○孝文出皇后為馮熙女。帝頻歲南征，后遂與中官高菩薩私亂。云云。○孝文文昭皇后高氏，司徒公肇之妹也。生宣武。○宣武順皇后于氏，太尉烈弟劭之女也。○宣武皇后高氏，文昭皇后弟儼之女也。○宣武靈皇后胡氏，司徒瓘珍女也。椒庭之中，以團扇相與祈祝，皆願生諸王公主，不願生太子。唯

后每謂夫人等言、何緣畏一身之死、而令皇家  
不育家嫡也。明帝踐阼、尊后為皇太妃、後尊  
為皇太后、臨朝聽政、猶曰殿下、後改令稱詔、羣  
臣上書曰、陛下、自稱曰朕、云云。爾朱榮稱兵  
度河、太后盡召明帝六宮、皆令入道、太后亦自  
落髮、榮遣騎拘送太后及幼主於河陰、太后對  
榮多所陳說、榮拂衣而起、太后及幼主泣沈於  
河。謚曰靈。○孝明皇后胡氏、靈太后從兄、冀  
州刺史盛之女。○孝武皇后高氏、齊神武長女  
也。○文帝文皇后乙弗氏、河南洛陽人也。生

女何妨也、若此者實勝男。生男女十二人、多  
早夭、唯太子及武都王、咸存焉。○文帝悼皇后  
郁久闍氏、蠕蠕主阿那瓌之長女也。○廢帝皇  
后宇文氏、周文帝女也。○恭帝皇后若千氏、司  
空長樂正公惠之女也。○孝靜皇后高氏、齊神  
武之第二女也。齊受禪、降為中山王妃、後降  
于尚書左僕射楊遵彥。傳二。后妃下。齊武明皇后華氏、諱昭若、贈  
司徒內干之女也。神武嘗將西討、出師、后夜  
竊生一男一女、左右以危急請追告神武、后弗



聽曰王出統大兵何得以我故輕離軍幕死生  
命也。來復何為神武聞之嗟嘆良久。凡孕六  
男二女皆感夢之。○蠕蠕公主者蠕蠕主郁  
久閭河那瓌女也。神武為世子求婚。阿那瓌  
曰高王自娶則可。神武猶豫。尉遲與武明皇后  
及文襄並勸請。乃從之。○神武崩。文襄從蠕蠕  
國法。蓋公主產一女焉。○彭城太妃。今朱氏。宋  
之女。魏孝莊后也。神武納為別室。○神武  
上臺太妃韓氏。軌之妹也。神武納之。○馮翊太  
妃鄭氏。名大車。嚴祖妹也。初為魏廣平王妃。遷

鄴後。神武納之。○高陽太妃游氏。初為魏任  
城王妃。適尔朱世隆。神武納之。○文襄敬皇后  
元氏。魏孝靜帝之妹也。孝武帝時封馮翊公主。  
而歸於文襄。文宣曰。吾兄昔為我婦。我今須  
報。乃淫於后。○文宣皇后李氏。諱祖娥。武成  
歲。即逼后淫亂。云若不許我。當殺尔。后懼。從  
之後。有娠。云云。○唐昭皇后元氏。開府元鑿女  
也。○武成皇后胡氏。胡延之女。武成寵幸。和  
士閭。每與后握槩。因此。后姦通。自武成崩後。  
數出詣佛華寺。又無沙門曇獻通云云。弄曇獻乃

至謂之為太上者，帝聞太后不謹而未之信。後朝太后見二少尼，悅而召之，乃男子也。於是墨獻事之，發皆伏法。○弘德夫人李氏，初為魏靜帝嬪，武成納焉。○後主皇后斛律氏，左丞相光之女也。○後主皇后胡氏。○後主皇后穆氏。○馮淑妃，後主惑之，坐則同席，出則並馬，願得生死一處。○後主以李祖欽女為左昭儀，進為左娥，英、襲氏為右娥，英、娥英者，兼取舞妃娥皇、女英名。

周文皇后元氏，魏文帝之妹也，生存閔帝。

文宣皇后叱奴氏，代人也。周文帝為丞相，納為姬，生武帝。○孝閔皇后元氏，為胡摩，魏文帝第五女也。○明敬皇后獨孤氏，太保衛公信之長女也。○武成皇后阿史那氏，突厥木杆可汗侯斤之女也。○武皇后李氏，名娥，娑生宣帝。○宣皇后楊氏，名樂，奉陪文帝之長女也。○知隋文有異圖，意頗不平，及行禪代，憤惋愈甚，願求月是，愧之。後又議奪其志，后誓不許。○宣帝后朱氏，名滿月。○宣帝后陳氏，名月儀。○宣帝皇后元氏，名樂高。○宣帝皇后尉遲氏，名樂。

熾蜀公迎之孫女也。○靜帝司馬皇后名令姬，柱國梁陽公清難之女也。

隋文獻皇后獨孤氏，諱伽羅，河南洛陽人。周大司馬衛公偉之女也。帝與后相得，誓無異生之子。后姊為周明帝后，長女為周宣帝后，貴戚之盛，莫與為比。而后每謙卑自守，帝每臨朝，后輒與上方輦而進，至閣乃止，使官宦伺帝政有所失，隨則匡諫，多所弘益。候帝退朝，而回及宴寢，相顧欣然。性尤妬忌，後宮莫敢進御。皇太子多內寵，妃元氏暴薨，后意太子愛妾，

氏害之，由是諷帝黜高顯，竟廢太子，立晉王廣。后之謀也。○宣華夫人陳氏，陳宣帝女也。姿貌無雙。皇太子廢立之際，頗有力焉。及文獻皇后崩，進位為貴人，專房擅寵。帝寢疾于仁壽宮，夫人與皇太子同侍疾，平旦更衣，為太子所逼，多不。上崩，其夜太子蒸焉。○容華夫人蘇氏，寵遇亞於陳氏。帝崩後，亦為煬帝所蒸。○煬帝愍皇后蕭氏，梁明帝歸之女也。煬帝為晉王文帝，為選妃於梁。及帝嗣位，為皇后。帝每游幸，未嘗不隨從。因為述志賦以自寄焉。

其詞曰云云。及宇文文化及之亂，隨軍至聊城，化及敗沒於寶建德。突厥處羅可汗遣使迎后，大唐自觀四年破突厥，皆以禮致之歸於京師，賜宅於興道里，二十一年殂。

傳三。魏詔宗室。上谷公統羅神元皇帝之曾孫也。武陵侯用長樂王壽樂，蓋章帝之後也。

曲陽侯素延，順陽公郁宜都王日辰，蓋帝之後也。六修，穆帝長子也。吉陽男比干。

江夏公昂，短道武族弟也。高涼王孤平，文帝之第四子也。昭成即王位，乃分國半部以

世之云云。西河公敦平，文帝之曾孫也。

武衛將軍謂烈帝之第四子也。子烏真，烏真子，興都。興都子提提弟，丕封東陽王，拜侍

中司徒公。丕仕歷六世，至七十年位極公輔。淮陵侯大頭，烈帝之曾孫也。河間公

齊烈帝之玄孫也。太武征赫連昌，太武馬疑賊逼帝，齊以身蔽捍，決死力戰，賊乃退，帝得上

馬，是日微齊帝，殺至危殆。扶風公處真，烈帝之後也。文安公泥魏之疎族也。

昭成皇帝九子。寔，君性愚多不仁。盡殺諸

皇子昭以六暴崩之，符堅執寔君報之。

秦王翰 子儀 道武時都督中外諸軍事左

丞相進封衛王 儀膂力過人弓力將十石陳

留公虔稍大稱異時人云衛王弓桓王稍

常山王遵道武初有佐命勲可悉陵年十七

從大武獵遂一獲獸陵遂空手搏之以獻帝曰

汝才力絕人當為國立功立事勿如此也

陳留王虔 勇而輕敵於陳戰沒虔姿貌魁傑

武力絕倫每以矛細短大作之猶患其輕復綴

鈴於刃下其弓力倍加常人以其殊異代京武

庫帝存而志之虔常以稍刺人遂貫而高舉又

牽以一手頓稍於地馳馬偽退敵人爭取引不

能出虔引弓射之一箭殺二三人搖稍之後亡

魂而散徐乃令人取稍而去 謚桓王 暉字

叔平 頓負如畫 毗陵王 頌 遼西公 意烈

寔

傳四 道武七王 明元六王 太武五王

道武皇帝十男 明元皇帝 清河王紹 陽

平王熙 河南王曜 河間王脩 長樂王靈

文 廣平王連 京兆王黎 皇子湮及聰

清河王紹字受洛拔。性允佷險時，好劫剝行人，斫射犬豕，以為戲樂。有孕婦，紹剖觀其胎，道武帝怒之，倒懸井中，垂死乃出。紹母賀夫人有譴，帝將殺之。會日暮未決，賀氏密告急於紹。紹乃與帳下及宦者數人，踰宮犯禁，帝驚起求，弓刀不及，暴崩。明元在外云云。賜紹母子死。紹時年十六。○陽平王熙，寧死見文陵松柏，不能生，作背國之虜。○河南王曜，長子和，落髮為沙門。○廣平王連，渾好弓馬，射鳥輒歷飛而中之。日射兔得五十頭，木武嘗命左右分射勝中的，籌滿詔渾解之，三發皆中云云。

南平王黎，子吐根薨，無子，獻文以南平王嘗第二子，繼字世仁，為後襲封江陽王。繼子又字伯儁，小字夜叉，靈太后臨朝，以又妹夫，除通直郎，又妻封新平君，後遷為朔君，拜女侍中。又女大，靈太后詔贈鄉主，又累加侍中、領軍、將軍，既在門下，兼總禁兵，深為靈太后所信委云云。

明元皇帝七男：北武皇帝、樂平侯王在、安定殤王彌、樂安宣王範、永昌莊王健、建寧王崇、新興王俊。

樂平王丕云云

木武皇帝十一男 景穆帝 晉王伏羅 樂

平王翰 臨淮王譚 廣陽王建閔 吳王金

小兒猶兒真魁頭龍頭並闕母氏

晉王伏羅 討吐谷渾慕容延軍至樂都謂諸

將曰若從正道恐軍聲先振必當遠遁稽軍出

其非意此斷艾禽蜀之計也云云口臨淮王譚

其子或字文若云云 營大者不計小名圖遠

者弗拘近利 先人有奪人之心待降如受疆

敵口廣陽王建 諱字智遠

傳五 景穆十二王上

景穆皇帝十四男 文成皇帝 陽平王新

成 京北康王子推 濟陰王小新成 汝陰

靈王天賜 樂良厲王萬壽 廣平王洽侯

任城康王雲 南安惠王楨 城陽康王長壽

章武敬王太洛 樂陵康王胡兒 安定靖王

休 趙王深 魏舊太子後庭未有位號文成

即位景穆宮人有子者在魏為椒房

陽平王新成 衍字安樂轉徐州刺史至州病

皇帝救徐成伯乘傳療疾差成伯還帝曰卿定

各醫資絹三千疋成伯辭請受一千帝曰詩云  
人之云亡邦國殄瘁以是而言豈惟三千疋乎  
其為帝所重如此術身教字思若色尤黑故  
時人號為黑面僕射○滑陰王小新成和平二  
年封頓有武畧庫莫奚侵擾詔新成討之新成  
乃多毒酒賊遁使棄營而去賊至競歛遂簡輕  
騎縱擊俘馘甚多○汝陰王天賜言同百舌  
膽若鷄鼠

傳六 景穆十二王下

任城王雲 獻文欲禪位於京兆王子推王公

卿士莫敢先言雲進曰父子相傳久矣皇魏未  
之有革太尉譚賈又進以為不可願思任城之  
言長子澄字道鏡少好學義鬚髮善舉止言  
辭清辨響若懸鐘往魏任城以武著稱今魏  
任城乃以文見羨也任城便是我之子房  
高祖世宗皆有女侍中宮未見貂金蟬於象珥  
極髣髴於鬢髮江南偽晉穆何后有女尚書而  
加貂蟻此乃真亂之世袞妾之服且婦人而服  
男子之服至陰而陽故自穆以來降國統二絕  
云云 順字子和 年二十五使有白髮免喪



相去不復更生。南安王楨性忠謹，其母疾篤，憂毀異常，遂有白雉遊其庭前，帝聞其致感，賜帛千匹。子英性識聰敏，善騎射，解音律，微曉醫術。

傳七 文成五王 獻文六王 孝文六王

文成皇帝七男 獻文皇帝 安樂厲王長樂

廣川莊王略 存郡順王簡 河間孝王芳

安豐匡王猛 韓柔王安平

安豐王猛 與中山王熙及弟臨淮王彧等並以

才學令望有名於世，雖風流造次不及熙彧而

稽古博覽過之。撰立經宗略詩禮別義注帝

王世紀及列仙傳

獻文皇帝七男 孝文皇帝 咸陽王禧 趙

郡靈王幹 高陽文穆王雍 廣陵慧王羽 欽

城武宣王懿 北海王詳

咸陽王禧 夫未能揮刀而而使割錦非傷錦

之尤，寧授刀之責。孝文引見朝臣，詔斷北詔

一從正音，禧贊成其事。趙郡王幹口廣陵王

羽口高陽王禧口彭城王懿 帝升金墉城，顧

見堂後相竹曰：鳳皇非梧桐不栖，非竹實不食。

今梧竹並茂，詎能降鳳乎？**魏**曰：鳳皇應德而來，豈相竹能降？帝笑曰：朕亦未望降之。帝手詔**車武**曰：汝第六父**魏**清規懋賞，**鮑**白雲俱潔，**龐**榮捨紋，以松竹為心。吾少與**魏**綬提攜，道趣每請朝纓，恬真丘壑。吾以長兄之棄，未忍離遠。何容仍屈素業，長嬰世網。吾百年之後，其聽**魏**辭，蟬捨冕，遂其沖挹之性也。自孝文不豫，**魏**常居中親侍醫藥，夙夜不離左右。至於衣不解帶，亂者殆面，帝患久多念，因之遷怒，**魏**每被誚詈，言至厲切，威責近侍，動將誅斬。**魏**承顏悉心，多

所匡濟。**魏**上謚議，**楊**時肇享曰：孝，立宗安之曰孝，道德博聞曰文，經緯天地曰文，上尊號為孝文皇帝。○**北**海王**詳**，詔諸弟及侍臣皆試射遠近，諸人皆去一二十步，唯**詳**箭及之。帝相掌，傲笑。子**顥**字子明，**奔**梁，**梁**武以為魏主假之兵，將令其北入，**承**安二年四月，於梁國城南登壇燔燎，年號**承**基元年。莊帝詔**濟**隍王**暉**業於**考**城拒之，為**顥**所禽。莊帝北幸，**顥**遂入洛，改稱**建**武元年。莊帝與**尔**朱榮還師討**顥**，**顥**為**臨**穎縣卒所斬。

孝文七男 廢太子恂 宣武皇帝 廢平文

穆王懷 京兆王愉 清河文獻王暉 汝南

王悅 皇子暉

廢太子恂 不好書學體貌肥大深忌河洛暑

熱意每追樂北方云云 廢為庶人置之河陽

服食所供粗免飢寒而已口京兆王愉 即皇帝

位殺天下號建平元年李平討愉云云口清河

王暉 此兒風神外備黃中內潤若天假之年

徒二角矣博涉經史兼綜羣言有文才善談理

云云沙門惠暉者自云呪水飲人能差諸病

病人就之者日有千數靈太后詔繕衣食治瘡

百姓病暉表諫曰云云 暉以忠而獲謫乃鳩

集普忠烈之士為顯忠錄二十卷以見意焉

夷人在京及歸聞暉之喪為之劈面者數夏

汝南王悅 好讀佛經覽書史 合服仙藥松

木之屬時輕與出採之宿於城外小人之所遂

斷酒肉粟稻唯食麥飯又絕房中而更好男色

輕忿妃妾至加捶撻 有神武既誅未以悅

孝文子宣承大業乃令人平意悅既至清狂如

故動為罪失乃止

傳八 衛操 桓帝以為輔將任以國事

莫含 穆帝愛其才器常參軍團大謀 舍子

顯顯子顯 道武欲廣宮室規度平城四方數

十里將模鄴洛長安之制運材數百萬根以題

檄巧徵令監之 ○劉庫仁 母平文皇帝之女

昭成皇帝復以宗女妻之為南部大人 昭成

暴崩道武未立苻堅命以庫仁令與衛辰分

國眾統之河西屬衛辰河東屬庫仁

劉庫仁 — 顯

眷 — 羅辰 — 殊暉

求引 — 介頭 — 仁之

乞歸 — 嵩 — 桃湯

尉古真 道武之在賀蘭部賀染干遣侯引乙

突等將肆逆古真知之密以馳告染干疑古真

泄其謀乃執拷之以兩車軸押其頭傷其一目

不服乃免之 古真弟諾以忠謹著稱從道武

圍中山先登傷一目道武歎曰諾兄弟茲毀目

以建功效誠可嘉也

古真 — 歡

諾 — 眷 — 多侯

某慶賓

瑾

靜

眷弟地干機悟有材藝馳馬立射五的時人莫能及古身族玄孫幸為涼州刺史涼州緋色天下之最元又執權送白綾二千匹令染幸拒不受

穆崇道武避寇出難遣崇還察人心崇留馬與從者微服入其營會有火光為春妾所識賊皆驚起崇求從者不得因匿阮中徐乃竊馬奔

走宿於大澤有白狼向崇號崇覺悟馳隨狼奔遂免難道出異之命崇立祀子孫世奉焉穆崇逐留乙真泰士儒子容

觀

壽

平國

翰

多侯

正國

平城

顛

龍兒

弼

伏干

巖

亮

紹

長嵩

子容少好學無所不覽求天下書逢即寫錄所得萬餘卷○白玉投泥豈能相汗○木武田嶼山有虎突出類搏而獲之帝歎曰詩云有力如武類乃過之○奚斤自魏初大將行兵唯長孫嵩拒宋武力征河南獨給漏刻及十二牙旗○叔孫建 沉敏多智東西征伐常為謀主容貌清整號曰嚴明又雅尚人倫禮賢愛士在平原十餘年綏懷內外甚得邊稱魏初名將鮮有及之 長子俊 卒時年二十八 明元親臨哀慟朝野無不追惜贈司空安城王謚孝元賜溫

明秘器載以輜輶車衛士導從陪葬金陵子蒯襲爵後有大功及罷幸貴臣薨贈賻送終禮皆依俊故事無得踰之者○安周 長子屈屨弟原原弟頡○庾素延賜名岳○王建○羅結 總三十六曹事年一百七歲精爽不衰年一百一十詔聽歸老卒 ○婁伏連 子大拔孫寶字道以○閻大肥○奚牧○和跋○莫題 窟咄寇南鄙頡時貳於帝遺箭於窟咄謂之曰三歲犢豈勝重載言窟咄長而帝少也帝既銜之後有告頡居處倨傲擬則人主帝乃使人示之

箭告之曰、三歲犢能勝重載、不願奉詔、又子封  
泣、詰朝不刑之。○賀狹干 在長安、因習讀書  
史、通論語、尚書、諸經、舉止風流、有似儒者、帝  
見其言語衣服、類中國、以為秦而習之、故為焉  
既而殺之。○李秉 性簡慢、矜寵不率禮度、每  
在道、武前舒放、倨傲不自、祇爾笑唾、任情、道武  
即其宿過、誅之。○奚春 論曰、羅結枝附、葉從  
子孫榮祿。

博九 牽鳳 昭以待以賓禮、參決國事、常  
使符堅。○許謙 善天文圖讖學。○崔宏字季

伯 有王佐之才、一斬人也、遇斯時、不因扶搖  
之勢、而與鵠雀飛沈、豈不惜哉、夫魏者大名  
州之上國、斯乃革命之徵驗、利見之玄符也、臣  
愚以為宜歸為魏、道武從之、於是稱魏。陳古人  
制作之體、及往代廢興之由、甚合上意、未嘗嘗  
誇忤旨、亦不諂諛苟容、及道武季年、大臣多犯  
威怒、宏獨無譴者、由於此也。胡衆雖多、而無  
猛健主將、所謂千奴共一膽也。○浩字伯深  
博覽經史、玄象陰陽、百家之言、無不諳覽、研精  
義理、時人莫及。承父祖之資生、便尊貴、同類

歸之若夜蛾之赴火少加倚仗便足立功若  
王猛之經國苻堅之管仲也慕容恪之輔少主  
慕容暉之霍光也劉裕之平逆亂司馬德宗之  
曹操也性不好莊老之書每讀不過數十行  
輒棄之曰此矯誣之說不近人情必非老子所  
作老聃習禮仲尼所師豈殺敗法之言以亂先  
王之教者乎所謂家人筮筮中物不可揚於王  
庭卷第之深義之曰斯人言也志皆可底行  
以當今之卑濁也但人貴遠賤近不能深察之  
耳見瓶水凍知天下之寒嘗肉一醬識鑊中

之味物有其類可推而得牡馬護牧北馬戀  
駒威震南極江淮以北無立草矣代魏兼  
用猶彼殷商稟性弱劣力不及健婦人更無  
餘能兆始惡者有終殃積不善者無餘慶  
浩改工書人多託寫急就章自少至老初不憚  
勞所書蓋以百數浩弟簡簡弟恬宏弟微  
○清河崔寬長子衡衡子敬云  
張亮遭風雲之會不建騰躍之功者非人豪  
也子度度子白澤其子倫○亮弟恂恂子純  
純弟代代子養年為汝南太守郡人劉崇之兄



弟分析家負唯一牛爭不能決訟於郡庭長年  
悽而見之謂曰汝曹當以一牛故致此競脫有  
二牛必不爭乃以已牛一頭賜之於是境中各  
相戒約咸敦敦讓○鄧彥海道武詔彥海撰  
國記十餘卷唯次年月起居行事而已未有體  
例子顯其子怡怡子述

傳十長孫嵩父仁昭成時為南部大人嵩  
年十四代父統事崇禎年八十子顯營弓  
三百斤嵩五世孫儉都督三荆等十二列  
諸軍事儉清正率下兼懷仁恕有竊盜者原

情得實誨而放之次子隆隆弟平平子師孝

○長孫道生嵩從子也崇禎年八十二廉約

身為三司而衣不華飾食不兼味一熊皮郭泥

數十年不易時人比之異聖太武曰智如崔

浩廉如道生云云崇從父嵩俱為三公當世以

為榮子旒旒子觀觀子昇歸六歲襲爵降為

公存文以其幼承家業賜名知字承業號曰

鐵小兒子子孝子裕子孝少帝墜馬折臂

肘上骨起寸餘乃命開肉鑿骨流血數升言戲

自若時以為踰於關羽子裕子義貞弟兕兕子

熾弟最 最字季最 嘗有二鵬飛而爭肉  
因以前兩隻 最請射取之 鵬馳往 遇鵬相攫  
遂一發雙貫焉 卒年五十八 帝悼惜之 後突  
厥圍雁門 帝歎曰 向使長孫最在 不令匈奴至  
此 最好奇計 務立功名 性至孝 居憂毀瘠 為朝  
士所稱 少子無忌嗣 ○紹遠字師少 名在父  
承業之 為太常 廣召工人 創造樂器 唯黃  
鐘不調 每恒恨之 號樂祖 子覽初名  
善 周武帝曰 朕以為檄委卿 先覽遂賜名焉 云  
云 ○澄從父承業 征討有智謀 勇冠諸將

執弟禮 太武曰 其父親近吾祖 子在我左右 不  
宜乎 ○長孫肥 登國初 與莫題等俱為大  
將 屢有軍功 勇冠諸將 前後征討 未嘗失敗  
故每有大難 令肥當之 南平中原 西摧羌寇 肥  
功居多 子翰有父風 道武時 以善騎射 為  
獵郎 明元之在外 翰與元廢澤等 潛謀奉迎 云  
翰子成 翰弟陵  
傳十一 于栗磾

于栗磾 洛拔

烈 柞

忠

初名登

景

果

勁

暉

女

宣武帝后

天恩

仁生

安定

子提

謹

寔

顛

世虔

仲文

欽明

翼

壘

志本

銓

讓

義

宣道

志寧

宣敏

禮

智

紹

尚

蘭

曠

道武謂柔碑曰卿吾之曠彰也

劉裕之伐邈

泓、栗、碑、慮、北、侵、擾、築、壘、河、上、裕、憚、之、遺、栗、碑、書、  
假、道、西、上、題、書、曰、黑、稍、公、麾、下、栗、碑、以、狀、表、聞、  
明、元、因、之、授、栗、碑、黑、稍、將、軍、栗、碑、好、持、黑、稍、裕、  
望、而、異、之、故、有、其、號、裕、拔、有、六、子、長、子、烈、善、  
射、少、言、有、不、可、犯、之、色、忠、太、和、中、賜、名、登、宜、  
武、政、若、登、忠、既、居、門、下、又、摠、禁、衛、遂、執、朝、政、  
權、傾、一、時、謹、略、窺、經、史、尤、好、孫、子、兵、書、  
朝、廷、凡、有、軍、國、之、務、多、與、謹、決、謹、亦、謁、其、智、能、  
故、中、特、見、委、信、始、終、若、一、人、無、間、言、仲、文、字、  
次、武、明、斷、無、雙、有、于、公、不、避、疆、禦、有、次、武、

河、南、光、祿、狼、顧、鷓、張、垂、泣、辜、之、恩、降、雲、雨、之、  
施、則、寒、灰、更、熱、枯、骨、還、肉、昔、周、車、夫、之、為、將、  
也、見、天、子、軍、容、不、變、此、決、在、一、人、所、以、功、成、名、  
遂、今、者、人、各、其、心、何、以、赴、敵、翼、為、渭、州、刺、史、  
翼、元、寔、先、莅、此、州、頗、有、惠、政、翼、又、推、誠、布、信、事、  
存、寬、簡、夷、夏、感、悅、此、之、大、小、焉、君、烏、  
宜、敬、開、磐、石、之、宗、漢、室、於、是、惟、永、建、維、城、之、  
固、周、祚、所、以、靈、長、昔、秦、皇、置、牧、守、而、罷、諸、侯、魏、  
后、昵、諂、邪、而、誅、骨、肉、遂、使、宗、社、移、於、他、族、神、器、  
傳、於、異、姓、此、幸、之、明、甚、於、觀、火、然、山、川、設、險、非、

親勿居云云明者防於無形安者制其未亂  
論曰謹負佐時之略逢興運之期為大厦之棟  
梁擬巨川之舟楫大樹將顛蓋非一繩之罪  
也

傳十二 崔道 顯 崔浩與顯及萊陽太守

模等年皆相次浩為長次模次顯三人別祖而  
模願為親浩特其家世魏晉公卿常侮模浩不  
信佛道模所歸向雖糞壤中禮拜形像浩大  
笑曰持此頭顱不淨處詭是胡神也 或字未

若 少逢隱沙門教以素問甲乙遂善醫術中

山王英子略曾病王顯等不能療或針之抽針  
即愈 性仁慈見疹者喜與療之廣教門生令  
多救療其弟子清河趙約勅海都文法之徒咸  
亦有若云云恭儉福之與傲侈福之機乘福與  
者浸以康休蹈福機者忽而傾覆 休為勅海  
太守性嚴明雅長政體下車先戮豪猾數人  
盜莫不禽翦清身 懷 挺一天子牽臂下殿  
挺一天子推上殿 面如刻畫聲款為洪鐘響  
胷中貯千卷書 素典秘收不協收後專典因  
史懷恐被惡言乃悅之曰昔有班固今則魏子

叔縮鼻笑之。瞻才學風流為後來之秀。

恢博雅弘麗瞻氣調清新竝詩人之冠冕。盧

忠道曰崔瞻文詞之美曾有一可稱但舉世重其

風流所以才華見沒。謂容止醜籍者為潦倒

○儂以讀書為務負恃才地大署其戶曰不

讀五千卷書者無得入此室。以儂常得無事

一醉輒八日。越國公楊素時方貴幸重儂門地

為子玄縱娶其女為妻聘禮甚厚親迎之始公

鄉滿坐素令騎迎之儂散衣冠騎驢而至素推

令上坐儂禮甚倨言又不遜素忿然拂衣而起

竟罷坐後數日儂方來謝素待之如初。建適

王憲實疾實昏終得保存。所少篤學能

誦書日以中疊奉手極上為率。汝南王悅曰

我帝孫帝子帝弟帝叔。晞稱先被犬傷因篤

不赴有故人疑其所傷非樹云云。應務霧襲方

掩八袂。皓大鵬始欲舉嘗在何啾唧

封懿。撰燕書。回子隆之。屬介朱兆入

洛莊帝出崩隆之以父遇害常懷報雪因持節

東歸圖為義舉。子子繪。文襄以子繪為勅

海太守執其手曰誠知未允勳臣官望但須鎮

撫且衣錦晝遊古人所貴直善加經畧子繪

弟子繡隆之弟與之其子孝琬孝瑛興之

弟延之肅回族叔軌通覽經傳脩明

堂辟雍詔百寮集議軌議曰周官匠人職云夏

后氏世室設人室屋周人明堂五室九階四戶

八牕云云也室象行也九階者法九土四戶者

達四時八牕者通八風云云

傳十三古弼征馮弘弘將奔高麗高麗救

軍弘乃隨之令婦人被甲居中其精卒及高

麗陳兵於外弼部將高荀子擊賊軍弼酒醉拔

止之故弘得乘奔弼頭尖帝常名之曰筆頭

時人呼為筆公張黎劉潔丘堆娥清

○伊勳少勇健走及奔馬善射力成牛却行

○乙瓌周義匡代曰車伊洛王洛兒

○明元嘗獵于澤南冰陷改馬浴兒投水奉帝

出殆將凍死帝解衣賜之車路頭

盧善元從征赫連逞太武親追擊入其城門

魯元隨帝出入是日微魯元幾至危殆魏興

貴臣恩寵無與為比陳建太武討山胡自

龍輕之單將騎數十每自登山白龍伏壯士出

不意帝墜馬幾至不測建以身捍賊奮擊殺數  
人被十餘瘡未大干朝質之日大干常著  
緋鎧盤馬殿庭朝臣莫不嗟歎從明元校獵  
見獸在高巖上持稍直前刺之應手而死帝嘉  
其勇壯宿石文成親欲射極獸石叩馬諫  
引帝至高原上後極獸騰躍殺人褒羨其忠許  
後有犯罪萬年國周觀尉撥陸真  
呂洛拔薛彪子子琬錦敷雖輕不棄之  
以學割瑚璉任皇堂寄之以弱力  
尉元公以八十之年直處三老之重卿以七

十之齡可充五更之選慕容白曜進克東

陽擒沈文秀凡獲倉粟八十五萬斛始末三年  
築圍攻擊雖士卒死傷無多怨叛三齊欣然安  
堵樂業和具奴荀頽宇文福少饒果有  
齊力太和中累遷都牧給筆及遷洛敕福檢牧  
馬所福規石濟以西河內以東拒黃河南北千  
里為牧地今之馬場是也

傳十四宋隱臨終謂其子莊曰汝等苟能  
入順父兄出悌鄉黨仕郡幸而立功曹史以忠  
清奉之足矣不勞遠詣臺閣恐汝不能富貴徒



延門戶累耳。母瓊母曾病。季秋月思瓜瓊夢  
想見之。求而遂獲。時人異之。身存史曾因  
朝會次。歷訪治道。身年少官微。自下而對。聲姿  
清亮。進止可觀。帝稱善者久之。因是大被知遇。  
賜名為身。意取身和獻玉楚王。不知寶之義。  
欽道。其州有佐吏使人間者。先酬錢。然後敢  
食。臨<sup>菴</sup>盧稱為嚴整。○世良。齊天保初。大赦  
郡無一囚。率羣吏拜詔而已。獄內穠生桃李。蓬  
蒿亦滿。每日牙門虛寂。無復訟者。謂之神門。  
○撰字略五篇。○世軌。決定嫌疑。蘇珍之視

表見袁宋世軌。時人以為寺中二絕。○世景  
與弟道璵。下帷讀誦。博覽群言。撰朝士別錄  
二十卷。會周武滅齊。改為關東風俗傳。更廣聞  
見。勒成三十卷。

爽——活——恭

宋隱——經

宣——謨

鸞

瓊——顯

叔珍

弁  
維

紀  
欽道

穎

鳴貴

翻

毓

世軌

世良

朝基

伯宗

世景  
季儒

道璵  
孝王

許考 從沙門法叔受易太武徵令卜筮頻驗

○惇 以明斷見知時人號為入鐵主簿 政

為天下第一特加賞異 圖形於闕 詔頒天下

惇美鬚下垂至帶省中號長鬣公齊文宣嘗因

酒酣提惇鬚稱美以刀截之唯留一握惇懼因

不復教長人又號齊鬣公

刁羅 性寬柔好尚文典手不釋書明敏多智

凡所為詩賦論頌并諸雜文百有餘篇又汎施

愛士恬靜寡欲篤信佛道著教誡二十餘篇

冲 雖家世貴達及從師於外自同諸生于時

學制諸生悉日直監厨冲雖有僕隸不令代已

身自炊爨。每師受之際，發志專精，不捨晝夜，殆忘寒暑。學通諸經。古之葬者，衣之以薪，不封不樹。後世聖人易之以棺槨，至秦以後，生則不能致養，死則厚葬過度。○柔好學留心儀禮，性強記，至於氏族內外，皆所諳悉。

辛紹先，父深仕西涼，為驍騎將軍。及涼後主歆與沮渠蒙遜戰於蓼泉，軍敗失馬，深以所乘授歆，而身死於難。以義烈見稱西土。紹先丁父憂，三年口不甘味，頭不栉沐，髮遂落盡。故常著素裙，卓帽。紹先性嗜羊肝，常呼少雍共食。

及紹先卒，少雍終身不食肝。子毅以三傳經同說異，遂總為一部傳注，並出校比短長。會亡未就。○韋閻，一生為善，未蒙善報，常不為惡。今為惡終。子臻，淮源舊有祠堂，蠻俚恒用人祭之。珍乃曉告曰：天地明靈，即人之父母，豈有父母子肉味。自今宜悉以酒脯代用。韋蠻從約，自此而改。○杜銓，晉征南將軍預五世孫也。正藏弟正儼貢充進士，正儼為秀才，兄弟三人同時應命，當世嗟羨之。正藏為文迅速，有如宿構，曾令數人趁執紙筆，各題一文。

正獻口授俱成皆有文理為當時所異又為文  
軌二十卷論為文體則甚有條貫後生竇而行  
之多資以解褐大行於世謂之杜家新書

傳十五 序道 張蒲 谷渾 渾魯孫楷眇

一目性甚嚴忌前後奉使皆以酷暴為名時人  
踴曰瞎武○公孫表 子軌大武平赫連愚引  
諸將帥入其府藏各令任意取金玉請將取之  
盈懷軌獨不取帝把手親探金賜之謂曰卿臨  
財廉朕所以增賜者欲顯廉於眾人○李先  
道武問先付者最善可以益人神智先曰唯有

經書三皇五帝政化之典可以補王者神智又  
問朕欲集天下書籍如何對曰主之所好集之  
不難帝於是班制天下經籍稍集 高者為敵  
所棲深者為敵所因兵法所忌 明元即位問  
左右舊臣中誰為先帝所親信新息公王洛兒  
曰有李先者為先帝所知俄而召先讀韓子連  
珠論二十二篇太公兵法十二事詔有司曰先  
所知者皆軍國大事自今常宿於內 子國團  
子鳳鳳子預字元凱 羨古人飡玉法乃採訪  
藍田躬往攻掘得若環璧雜器形者大小百餘

頗有麤黑者亦篋盛以還至而觀之皆光潤可  
玩預乃推七十枚為屑食之餘多惠人後預及  
聞者更求玉於故處皆無所見昭微博涉稽  
古脫略不羈時人稱其為播郎因以字行於燕  
趙志好隱逸慕董浩之為人尋師訪道不  
遠千里○常彝此子英○賈誼之後莫之與  
京○竇璵子道善楷篆北京諸碑及臺  
殿樓閣宮門題署多道書○李新○韓延之  
表式典崔浩一面便盡國士之交

毛倫之○唐和○寇讚○傷○鄒範○子道老

好學歷覽奇書撰注水經四十卷本志十三篇  
又為七聘及諸文皆行於世○範弟道峻子暉  
撰慕容氏書不成○韓秀子務陰郢州刺史  
獻七寶牀象牙席詔曰昔晉武帝焚雉頭裘朕  
常嘉之今務所獻亦此之流也奇廉之物有乖  
風素可付其家人○堯暄子洪洪子傑洪弟  
道通弟榮子雄雄雅武將性質寬厚為政舉  
其大綱而已○柳崇身長八尺美鬚明目  
郡人張嗣失馬疑執十餘人崇見之不問賊事  
人別借以溫顏更問其親老存不農業多少而微

察其辭色。即獲真賊。呂穆等二人。餘皆放遣。郡中畏服。

傳十七 陸倕 太武時考川郡。唯倕與河內

太守。午陳為天下第一。卿身乃短。慮何長。

諸君不見毒蛇乎。不斷其頭。猶能為害。有子

十二人。長子敵多。智有父風。文叔見而悅之。謂

朝臣曰。吾嘗歎其父。智過其軀。是後踰於父矣。

○暉 與弟恭<sub>之</sub> 泣有時。登洛陽。合賈禎見其

兄弟。歎曰。僕以老年。更覩雙璧。又嘗兄弟共候

黃門郎。孫惠蔚謂諸賓曰。不意二陸復在坐。隅

云云 暉擬急就篇者。悟蒙章及七誘十醉章

表數十篇。旭好易。緯候之學。撰五星要訣。

及兩儀真圖。頗得其指要。○騰 獠因山為城。

攻之未可拔。騰遂於城下多設聲樂。及諸雜伎。

示無戡心。諸賊果棄其兵仗。或携妻子臨城觀

樂。騰知其無備。遂縱兵討擊。盡殺破之。蠻獠

畏威。承風請服。所開之路。多得古銘。茲是諸君

夷相溫舊道。○黎 太武特親昵之。受心膂

之任。在朝者無出其右者。○子彰 崇好道術。嘗

嬰重病。藥中須桑螵蛸子。彰不忍害物。遂不服。

為其仁如此。子印博覽群書五經多通大義善屬文甚為河間邢昺所賞。昺又與子彰交游。常謂子彰曰。吾以卿老蚌。遂出明珠。每無官譙接在席賦詩。印必先成。雖未能盡工。以敏速見美。不說人短。不伐己長。所著文章十。四卷。行於世。齊之郊廟諸教多印所制。子又字且。於五經最精熟。館中謂之石經人。為之語曰。五經無對有陸。又齊滅諸人多將韜重爽。獨載數千卷書至長安。隋受禪。遷太子洗馬。撰東宮典記七十卷。

幹——引——突

陸侯 東平王

敬 建安王 —— 瑋 —— 景祚

凱 —— 暉 —— 元規 —— 撥

恭之——暉

寬

歸 —— 珍 —— 旭 —— 騰 —— 玄

融

麗 平原王 —— 定國 —— 昕之 —— 士彰

新之 —— 安保

戲

印  
又

希道

士懋

騫

杏  
玄弼

士宗

搏

士述

考師

士沈

士廉

士佩

希悅

高貴

操

孔璋

孟達

梁之

爽

法言

源賀

河西王禿髮傉檀之子也

太武曰卿

與朕同源因事分姓今可為源氏賀為人雄

果每遇強寇輒自奮擊帝深識之賀本名破羌

是役也帝謂曰人之立名宜保其實何可濫也

賜名賀焉

世陸廉決議定策翼戴文成云云

上書曰案律謀反之家其子孫雖養他族追還

就戮所以絕罪人之類彰大逆之辜其為劫賊



應誅者兄弟子姪。在遠道隔關津皆不坐。封隴西王。為人人如賀。朕臨天下。復付憂我。羣臣咸曰。非忠臣不能進此計。非聖明不能納此言。長子延。延弟恩禮。後賜名懷。屯於漠南。婦孺甚憚之。賜馬一匹。細鎧一具。御袍一枚。懷拜受既訖。乃於其庭。跨鞍執稍。躍馬大呼。願謂賓客曰。氣力雖衰。尚得如此。婦孺雖畏。壯氣未。我亦未便可欺。今奉廟勝之規。撫驍悍之衆。足以擣身。酋。獻俘闕下耳。時年六十一。恒語人曰。為政貴當舉綱。何必須大子細也。如為屋

但外望高顯。楹棟平正足矣。芥介不平。非屋病也。子子邕。推誠待士。士多歸之。九旬之

中凡數十載。乃平東夏。子邕弟子恭。子彪。字

文宗。師字跋言。子恭弟纂。子雄。

劉危。吳源賀陸廉奉皇孫。大呼曰。宗愛殺

南安王。大逆不道。皇孫已登大位。有詔宿衛之

士。皆可還宮。衆咸唱萬歲。車駕北征。帝親誓

衆。而尾昏醉。兵陳不整。帝以其叩重。特怒之。免

官而已。○薛提。太子崩。初不在喪。議以皇孫

幼冲。宜立長君。提曰。皇孫有世嫡之重。人望所

係春秋雖少令聞聞於天下廢所宜立而更別  
求必有不可宗愛微提殺之文成即位以提有  
謀立之誠詔提弟淳子襲先爵

論曰累忠國奉王鬱為梁棟資忠履義赴難如  
歸廿載克昌名不虛傳源質堂堂非徒武節

觀其翼佐文成廷抑禪讓殆乎社稷之臣

傳十七 司馬休之 晉宣帝季弟譙王進之

後也 司馬楚之 晉宣帝太常燾之八世孫

也 宋武遣刺客沐謙圖害楚之楚之待謙甚

厚謙夜詐疾知楚之必來欲因殺之楚之聞謙

病果自齋陽藥往省之謙感其意出匕首於席

下以狀告遂垂身以奉之其推誠信物得士心

皆此類也 劉昶宋文帝子也 子業立疑昶

有異志和平六年遂毒母妻携妾吳氏間行降

魏 子承緒承緒子暉為世子襲封尚宣帝第

二姊樂陵長公主主嚴姪暉嘗私幸主侍婢有

身王答殺之剖其原子節解以草裝實婢腹裸

以示暉暉遂忿憾誅薄公主

蕭寶雲齊明帝第六子 官罔高卑人無貴賤

皆飾辭假說用相讓舉求者不能量其多少與

者不能覈其是非遂使冠履相質若實皆笑

飾垢掩疵妄加丹素柳楷曰大王病明帝子

天下所屬今日之舉實允人望且謠言鸞生十

子九子歿一子不歿關中亂武王有亂臣十人

亂者理也大王當理關中實造兄子贊字德文

本名綜蕭正表梁武帝弟臨川王宏之子也

○蕭德梁武帝弟南平王偉之子也子放居

喪以孝聞所居廬室前有二慈烏來集各握一

樹為巢自午以前則連飲啄午後更不下樹每

臨時翫翅悲鳴全似哀泣家人則之未嘗有隳

時以為至孝之感蕭退梁武帝弟鄱陽王恢

之子也蕭泰亦恢之子也蕭揚梁武帝弟

安成王秀之子也嘗至元日獄中囚繫悉放

歸家聽三日然後赴獄主者爭之楷曰昔王長

虞延見稱前史吾雖寡德竊懷景行以之獲罪

彌所耳心諸囚荷恩並依限而至吏人稱其惠

化楷善草隸書右丞相王褒算數醫方咸亦留

意蕭圓蕭梁武帝之孫武陵王紀之子也

有文集十卷又撰時人詩筆為文海四十卷續

堪十卷淮海雜記志四卷行於世蕭大圖梁

簡文帝第二十子也。四歲能誦三都賦。及存  
經論語。元帝嘗自問。上經要事數十條。大國  
詞約指事。應若無滯。帝甚歎歎之。因曰。昔河間  
好學。爾既有之。臨淄好文。爾亦兼之。然有東平  
為善。彌高前載。昔漢明為世祖紀。章帝為顯  
宗紀。殷鑒不遠。定為成例。撰梁舊事三十卷。  
寓記三卷。士喪儀注五卷。要決兩卷。并文集二  
十卷。論曰。蕭寶夤七破之餘。始潛骸窟影。雖  
有枕戈之志。終無鞭墓之成。傳十八。盧玄。太武辟召天下儒儒。以玄為

首。子度世。子伯源。初。諶父志法鐘繇書。  
子孫傳業。案世有能名。至邈。以上兼善草跡。伯  
源習家法。代京宮殿。多其所題。白馬公崔宏布  
善書。世傳衛瓘體。魏初工書者。崔盧二門。伯  
源子道將。道將子思道。年十六。中山劉松  
為人作碑銘。以示思道。思道讀之。多所不解。乃  
感激讀書。師事河間邢子才。後復為文。示松。松  
不能甚解。乃喟然嘆曰。學之有益。豈徒然哉。  
文宣帝崩。當朝文士各作挽歌十首。擇其善者  
而用之。魏收陽休之祖孝徵等。不過得一二首。

唯思道獨有八篇故時人稱為八朱盧郎

元幸 弟元明字幼章涉歷羣書兼有文義風

彩開潤進退可觀永年初長兼尚書令臨淮王

表欽愛之及表開府引為兼屬仍領部曲孝武

登祚以郎任行禮封城陽縣子遷中書侍郎永

區末居洛東緱山乃作幽居歸鳥於時元明友

人王由居潁川忽夢由携酒就之言別賦詩為

贈及明憶其詩十字云自茲一去後市朝不復

遊元明歎曰申性不狎俗旅寄人間乃有今夢

詩復如此必有他故經三日果聞由為亂兵所

害尋其七日乃是發夢之夜 潛 柔 愷

叔彪 文偉 詢祖 蠕蠕既破諸賓皆為表

詢祖俄頃便成其詞云昔十萬橫行樊將軍請

而受屈五千深入李都尉降而不歸 板則紫

栢杵則木瓜何斯材而斯用也卓則離離靡靡

緣固而殖但使十步而有一芳余亦何辭聞於

荆棘邢邵嘗戲曰卿小羊才學富盛戴角者無

上蓬恐卿不壽 詢祖謂人曰見未能高飛者

借其羽毛知逸勢冲天者翦其翅翮 斐 典

京畿詔獄酷濫非人情所為無問事之大小榜

掠過度於大棒車輻下死者非一或嚴冬至寒  
置囚於冰雪之上或盛夏酷熱暴之日下枉自  
人致死者前後百數景裕居拒馬河將一  
老婢作食妻子不自隨從又避地大寧山不營  
世事居無二業唯在注解其叔父同職居顯要  
而景裕止於園舍情均郊野謙恭守道負素自  
得由是世號居士注周易尚書孝經論語禮  
記老子其毛詩春秋左氏未訖辯字景宣廿  
好學博通經籍正光初舉秀才為太學博士以  
大戴禮未有解詁辯乃注之其兄景裕為當時

碩儒謂辯曰昔侍中注小戴今汝注大戴庶纂  
前修矣賁及隋受禪命賁清宮因典宿衛  
賁乃奏改周旗幟更為嘉名其青龍驄虞朱雀  
玄武千秋萬歲之旗皆賁所創也勇初興  
景裕俱在學其叔同曰白頭必以文通季禮當  
以武達興吾門者二子也誕  
傳十九高允字伯恭渤海蓟人漢太傅襄之  
後也清河崔宏見而異之歎曰高子黃中內  
潤文明外照必為一代偉器但吾恐不見耳年  
十餘歲祖父秦喪還本郡允推財與二弟而為

沙門名法淨，未久而罷。性好文學，擔笈負書，千里就業，博通經史，天文術數，尤好春秋。公羊。古人有言：一夫不耕，或受其飢；一婦不織，或受其寒。凡萬物之生，靡不有死，然葬者藏也，死者不可再見，故深藏之。昔堯葬檜，林農不易畝，舜葬蒼梧，市不改肆。秦始皇作為地，市下銅三泉，死不旋踵，尸焚墓掘，由此推之，堯舜之儉，始皇之奢，是非可見。今國家營葬，費損巨億，一旦焚之，以為灰燼，上為之而不報，而禁下人之必止。允以獄者，人命所係，常歎曰：臯陶至德也。

其後英蓼先士，劉頊之際，英布黠而王經世，雖以猶有刑之餘，豐況凡人能無咎乎。允所製詩賦，詠頌，箴論，表讚，誄，在氏釋公羊，釋毛詩，拾遺雜解，議伯卿膏肓事，凡百餘篇，別有集行於世。允尤明算法，為算術三卷。祐允之從祖弟也。宛州刺史，獲一異獸，送之京師，時無識者，詔以問祐，祐曰：此是三足所出，厥名鯨鯢，餘域率無，今我獲之矣。楚之地，其有歸國乎。尚書者，記言之體，春秋者，錄事之辭。王者可私人以財，不私人以官者也。郡國雖有太學，

縣臺宜有黌序乃縣立講學臺立教學村立小學文令一家之中自之一雄五家之外共造一井以給行客不聽婦人寄春取水子德正文襄嗣業如晉陽文宣在鄴居守令德正參機密彌見親重文襄之崩勳將等以續戎事重勸文宣早赴晉陽德正勸文宣行禪代事受禪日堯難宗染赤淮以厭祚後父弟翼子乾兄弟本有從德志神武與乾同帳而寢呼乾為叔父弟昂字教曹每言男兒當橫行天下自取富貴誰能端坐讀書作老博士也

其父曰此兒不減吾族當大吾門以其昂藏教曹故以名字之今朱世隆還逼宮闕帝親臨大夏門指麾處分昂被甲橫戈與其從子長命推鋒徑進所向披靡帝及觀者莫不壯之昂昂稍絕世左右無不一壺百時人比之項籍神武曰洛陽令昂為前驅河伯水中之神高教曹地上之虎昂心輕敵建旗蓋以陵陣西人盡銳攻之一軍皆沒昂輕騎來走追其至仗於橋下追者見其從奴持金帶問昂所在奴示之昂奮頭曰來與爾鬪固公追者斬之以去



時年四十八神武聞之如喪肝膽西魏嘗斬  
昂者者布須為段歲上稍與之周亡猶未充  
葬後其妻張氏常見教書夜未旦去有若生平  
傍人莫見唯犬隨而吠之歲餘乃絕其故吏索  
方老建慕其思為立祠廟畫像既成頭上折裂  
改而更作裂如初見者咸稱神異昂弟季武  
亦有膽氣兄弟貴盛並有勳於時自領部曲  
千餘人馬八百疋衣甲器仗皆備季武兄慎  
以武牢叛遣信報季武季武奔告神武神武待  
之如初范陽盧普亦以勇力稱入海島得

長人骨以鬪髀為馬鼻脰長丈六尺以為二稍  
送其一於神武諸將莫能用唯彭樂強舉之  
膏身長九尺鬚面甚雄臂毛逆如睛鬣力能拔  
樹性弘毅方重常從容雅服北列敬仰之嘗臥  
疾猶申足以奉二人婦寇范陽曹登城射之  
矢出三百步投弓於外履屨莫能礙乃去之時  
有沙門暈頰號為神力唯曹與之角烏曇讚聞  
呼聲則勝論曰高先光寵四世終享百齡有  
魏以來斯人而已昂之膽力氣冠為夫韓陵  
之下風飛電擊並則齊氏元功一門而已

高氏世系

慶泰

高允 忱 貴賓

懷 緝

推

樂 集 市賓

濟 允從叔 矯

導

允族兄

祐 允從祖弟 和璧 穎 德正

諫 雅

翼 祐從父弟 乾 繼叔

昌兒

慎

昂 字教曹 奕駟

李式 道額

西  
京  
問  
所

